

藏俗誼
六之

C40
4514
(129)



C40-40514

了翁上座譜大藏及有

為學者不敢許出院內

當山三世鐵牛機謹誌

B 64853

成唯識論俗註卷第五

親

卷之三

薩

造

同

護

法

等

四
七

24

論

明

卷之三

卷之三

明一

1

全一

前第一能變中正。釋項黨分爲八卦。一。忽。釋名。二。

釋所依。三釋所緣。四釋性相。五釋相應分三。一根六煩惱。二餘及觸等。已上諸科四卷中竟。此中第

三傍通捨受分二。問答偏執。

此渠汚意何受相應

嘗唯有喜受。恒內執我。

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

土喜愛故有義不然嘐

喜受乃至有頂違聖言故

應說此意四受相應計生惡趣憂受相應緣不善業

所引果故生人欲天初二靜慮喜受相應緣有喜地

善業果故第三靜慮樂受相應緣有樂地善業果故

第四靜慮乃至有頂捨受相應緣唯捨地善業果故

初義未正以據愛我唯喜受俱次義亦偏以理破

前謂此第七遍三界故若喜受俱喜隨第七乃至

有頂又違聖說喜唯二禪應說下自立義地獄鬼

畜名爲惡趣緣惡業果心常憂故人中欲界六種

諸天色界初禪及第二禪俱得喜受以此九處業

果善故第三禪名離喜妙樂故彼地中樂受相應
第四禪天乃至有頂兼四空處總有五地俱名捨
受以彼天中苦樂二境無由現故故唯捨受○一
問答偏執竟下二正義破前

有義彼說亦不應理此無始來任運一類緣內執我
恒無轉易與變異受不相應故又此末那與前藏識
義有異者皆別說之若四受俱亦應別說既不別說
定與彼同故此相應唯有捨受未轉依位與前所說
心所相應已轉依位准二十一心所俱起謂遍行別
境各五善十一如第八識已轉依位唯捨受俱任運

轉故恒於所緣平等轉故。

此義正理。破前二執。喜憂樂三變異受攝。決不與
比染意相應。又此下據頌不別說。證此第七識必
同捨受。七八二識雖性俱無記。有覆無覆異。頌別
說之。今此受義既不別說。必與彼同。故唯捨受。復
明已轉未轉諸心所法同義別義例顯。第七與第
八識同是捨受。第八因中唯五心所轉依位中具
二十一第七因中唯十八心所轉依亦二十一。又
第八識已轉未轉唯捨受俱。第七亦余任運平等。
轉者釋捨受相應義。○二正義破前竟通上五釋
相應竟下六釋有覆。

末那心所何性所攝。有覆無記所攝非餘。此意相應
四煩惱等。是染法。故障礙聖道。隱蔽自心說名有覆。
非善不善故名無記。如上二界諸煩惱等。定力攝藏
是無記攝。此俱染法所依細故。任運轉故亦無記攝。
若已轉依唯是善性。

問答以明。唯是有覆無記性攝。非餘三性攝也。此
意下釋有覆無記性四煩惱等。餘隨惑俱蓋覆
故。非善不善者謂非是善。非是不善名爲無記。復
引色界及無色界喻明。心所同是無記謂上二界

所有煩惱雖是不善性由定力伏故同無記性攝此第七識相應染法亦念以其所依末那細故任運轉故亦無記性攝若得轉依唯善性攝○六釋有覆竟下七釋界地

末那心所何地繫耶。隨彼所生彼地所繫。謂生欲界現行。末那相應心所卽欲界繫。乃至有頂應知亦然。任運恒緣自地藏識。執爲內我。非他地故。若起彼地。異熟藏識現在前者。名生彼地染污。末那緣彼執我。卽繫屬彼名。彼所繫或爲彼地諸煩惱等之所繫縛。名彼所繫。若已轉依。卽非所繫。

問答以明第七所居界地亦隨第八生處繫也。彼字卽第八識。謂隨第八生在何地。卽於彼地所繫執我。謂生下總釋隨彼所生彼地所繫。謂第八識從欲界生乃至有頂。則第七識心王心所亦從欲界乃至有頂。恒執爲我。非他地故。若起下別釋。隨彼所生也。染汚下別釋。彼地所繫也。或爲下。又作一解。謂諸煩惱隨地有無。故隨何地有何煩惱。所繫縛故。亦名彼繫。若已轉依。卽非所繫者。轉依位中。煩惱已滅。亦不執我。故非所繫。○七釋界地竟。下八釋捨位分二。一問答正釋。

此染污意無始相續何位永斷或暫斷耶。阿羅漢滅定出世道無有。阿羅漢者總顯三乘無學果位。此位染意種及現行俱永斷滅故說無有。學位滅定出世道中俱暫伏滅故說無有。

問此第七無始恒轉無間斷故何位永斷何位暫
斷。答於三位皆無有故。一羅漢位。二滅定位。三出
世道阿羅漢下總標永斷。阿羅漢者此云無生。以
彼煩惱永不生故。此名通三乘者聲聞有二。一者
根鈍漸斷煩惱爲緣覺乘。二者根利頓斷煩惱爲
獨覺乘。菩薩唯一於八地中方永斷故。故無學位。

染意煩惱種現俱滅名阿羅漢學位減

謂染汚意無始時來微細一類任運而轉諸有漏道不能伏滅二乘聖道有伏滅義真無我解違我執故後得無漏現在前時是彼等流亦違此意真無我解及後所得俱無漏故名出世道滅定既是聖道等流極寂靜故此亦非有由未永斷此種子故從滅盡定聖道起已此復現行乃至未滅

釋出世道中暫伏滅義。謂染汚意。唯是俱生。必無漏道方有伏義。真無我解見道之心也。以見道時

80 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9

起根本智能伏彼故真見道後無漏觀心現在前時同無我解故名等流此時染意亦伏滅故真無我解及後所得無漏觀心總名出世道減定下釋減盡定中暫伏滅義謂此減定行同聖道故名等流由極寂靜故此染意亦應非有此種子者第七相應煩惱種也謂入定時但伏現行若出定已煩惱現行復從種起乃至未減恒執我故

然此染意相應煩惱是俱生故非見所斷是染污故非非所斷極微細故所有種子與有頂地下下煩惱一時墮斷勢力等故金剛喻定現在前時墮斷此種

成阿羅漢故無學位永不復起二乘無學迴趣大乘從初發心至未成佛雖實是菩薩亦名阿羅漢應義等故不別說之

釋無學聲聞永斷煩惱義謂修所斷有九九品第九地中第九品者名爲下下今染汚意相應煩惱最極微細與彼品同云勢相等必起根本最堅利智現在前時此種方斷證阿羅漢故說無學永斷不起二乘下釋迴向大乘者亦永斷故從初發心求菩提故實是菩薩以盡煩惱等阿羅漢故此頌中不別說菩薩唯說阿羅漢減定出世道無有

一問答正釋竟下二辨識有無

此中有義末那唯有煩惱障俱。聖教皆言三位無故。又說四惑恒相應故。又說爲識雜染依故。有義彼說教理相違。出世末那經說有故。無染意識如有染時定有俱生不共依故。論說藏識決定恒與一識俱轉。所謂末那意識起時則二俱轉。所謂意識及與末那若五識中隨起一識則三俱轉乃至或時頓起五識則七俱轉。若住滅定無第七識爾時藏識應無識俱便非恒定一識俱轉。住聖道時若無第七爾時藏識應一識俱。如何可言若起意識爾時藏識定二俱轉。

安慧言唯染位有第七識體。故說滅定滅六盡七。唯有煩惱乃至雜染依者皆顯染位有第七識。又言聖道等三位無者是說第七不通淨位。有義下護法師引經證破後以理推謂無染時第六意識如有染時定有第七爲所依根此顯三位有淨第。七論說下復引論文證有第七恒俱藏識。若住下牒計難破顯滅定位恒有第七復明聖道亦有第七謂住聖道必有意識作無漏中。聖定觀主故此難云若無第七爾時藏識唯意識俱。如何瑜伽論說若起意識定有六七二識俱轉以此觀之聖道

亦有第七識俱何執三位無第七識。

顯揚論說末那恒與四煩惱相應。或翻彼相應恃舉爲行成平等行故知此意通染不染。若由論說阿羅漢位無染意故便無第七。應由論說阿羅漢位捨藏識故便無第八。彼既不尔此云何然。又諸論言轉第七識得平等智。彼如餘智定有所依相應淨識。此識無者彼智應無。非離所依有能依故不可說彼依六轉識許佛恒行如鏡智故。

復引論證染淨位中俱有第七識體。恃舉爲行者染污位中我慢心所也。以恃所執我故自心高舉。

陵慢於他故有自他不平等義。若翻彼行節得平等故名轉依平等行故由此論證應知第七染淨有體。若由下以正理例顯謂論中說無染污意及無藏識但無其名。非無其體故復難云彼入不無此七何然。復推智識相應證有第七爲智所依謂平等智。如餘三智各有所依淨識爲體。若無第七平等性智亦應無有非離所依第七識體。而有能依平等智故又不可說平等性智依六轉識以彼各有智相應故論許諸佛恒行平等如圓鏡智依自識故。

又無學位若無第七識彼第八識應無俱有依然必
有此依如餘識性故又如未證補特伽羅無我者彼
我執恒行亦應未證法無我者法我執恒行此識若
無彼依何識非依第八彼無慧故由此應信二乘聖
道滅定無學此識恒行彼未證得法無我故

復推根義證無學位必有第七謂第八識染淨位
中必有根種若無學位無第七識則彼第八應無
有根然同識性必有根故又如下復以理推我法
二執證無學位必有第七梵音補特伽羅此云數
取趣以諸有情數數造業取善惡趣即是人義應

云未證人無我者彼我執恒行此乃異生有學以
第七識念念執我故名恒行有學既爾亦應無學
未證法無我故法我執恒行以無學位雖斷煩惱
不起我執然有所知法執恒起若無學位無第七
識彼法我執依何恒行又不可說依第八識彼無
慧心所不起法執故由此下結顯三位第七非無
然說法執恒行者由此第七而有故

又諸論中以五同法證有第七爲第六依聖道起時
及無學位若無第七爲第六依所立宗因便俱有失
或因五識亦有無依五恒有依六亦應尔是故定有

無染汚意於上三位恒起現前言彼無有者依染意說如說四位無阿賴耶非無第八此亦應矣。

復以根義證有第七謂諸論說前五轉識有所依根第六轉識亦應有根故以第七爲第六根若上三位無第七識爲第六根所立宗因便俱有失。如立宗言第七識是有法能爲第六所依宗因云識從緣生故喻如五同法若無第七是無有法能爲第六所依則宗有失。若彼第六無第七識而自生者是無緣自生則因有失故云所立宗因便俱有失。言亦有無依者或有時亦無依也。謂前五識與

第六識同名轉識六若無依五有時無五恒有依六亦應矣故諸論中以五同法證第七識爲第六依卽此義故是故下總結三位必有第七聖教說彼三位無者但無染名非無識體如說下喻上但無染名之義言四位者卽聲聞緣覺菩薩如來雖說四位無阿賴耶但無含藏之名非無第八識體故此第七但無染名耳○二辯識有無竟通上一總釋頌意竟下二別釋差別

此意差別略有三種一補特伽羅我見相應二法我見相應三平等性智相應初通一切異生相續二乘

有學七地以前一類菩薩有漏心位彼緣阿賴耶識起補特伽羅我見次通一切異生聲聞獨覺相續一切菩薩法空智果不現前位彼緣異熟識起法我見後通一切如來相續菩薩見道及修道中法空智果現在前位彼緣無垢異熟識等起平等性智。

總標第七有三種相應名然後釋義初通下謂異生位我見煩惱相應第七則諸異生念念恒起人我見故名相續上明恒起下明間起有學聲聞及前七地一類菩薩有漏心位彼緣藏識起人我見無漏心時亦伏不起次通下謂諸異生聲聞獨

覺所知障種初未曾伏相應第七念念恒緣異熟識體起法我見故名相續上釋恒起下釋間起從登地來至等覺位名爲一切若諸菩薩法空智果不現前位亦緣異熟起法我見以阿羅漢八地菩薩無藏識故故緣異熟後通下謂諸如來二障永斷二智圓明相應第七亦淨無染念念恒緣真如諸法證無我理故名相續上明果位下明因位若諸菩薩斷伏所知法空智起彼亦得緣無垢異熟識起平等性智以智起時所依之識暫現無垢故此名焉

補特伽羅我見起位彼法我見亦必現前我執必依法執而起。如夜迷杌等方謂人等故我法二見用雖有別而不相違同依一慧如眼識等體雖是一而有別青等多用不相違故此亦應然。

此明二執現起位次謂有我執必有法執以諸我執依法起故如迷杌爲人者杌喻法執人喻我執古德云有人必有法有法未必有人以斷我執法猶在故法執若斷人執定無我法下明二執用別體同執是取著義故以慧爲體如眼緣色境是了別義故以識爲體雖緣青等多用不同於一識體不相違故喻如我法二執不同於一慧體亦不相違故云此亦應然。

二乘有學聖道滅定現在前時頃悟菩薩於修道位有學漸悟生空智果現在前時皆唯起法執我執已伏故二乘無學及此漸悟法空智果不現前時亦唯起法執我執已斷故入地以上一切菩薩所有我執皆永不行或已永斷或永伏故法空智果不現前時猶起法執不相違故如有經說入地以上一切煩惱不復現行唯有所依所知障在此所知障是現非種不念煩惱亦應在故。

此明二執伏斷位次聖道滅定有學二乘也。煩悟漸悟有學菩薩也。我執已伏種子未斷唯以在道在定及智現前方得伏故餘時我執現行還起無學二乘獨斷煩惱證羅漢果說彼我執已永斷故未斷所知故唯法執漸悟菩薩法智不前唯起法執我執已斷故不復起設問云漸悟菩薩所有我執前說已伏今何名斷答云八地以上等謂漸悟菩薩前七地中皆有名有學已得二空初轉二智未常在觀唯得間起故彼我執說名已伏有時還起若登入地漸悟菩薩皆名無學捨含藏識我執永

伏決定不行故名已斷二乘廻心行同此地彼之我執亦永不行名已永斷彼煩惱種已永斷故唯法空智不現前時猶起法執以智不前不相違故如有下引證前義唯有所依所知障在者以煩惱障依所知障起故斷煩惱所知猶在是現非種者證前猶起法執現行非是種子不尔者謂若非我執永斷永伏彼所依所知障在煩惱亦應在故法執俱意於二乘等雖名不染於諸菩薩亦名爲染障彼智故由此亦名有覆無記於二乘等說名無覆不障彼智故是異熟生攝從異熟識恒時生故名異

80 1 2 3 4 5 6 7 8 9 100 1 2 3 4 5 6 7 8 9

熟生非異熟果此名通故如增上緣餘不攝者皆入此攝

明大小乘於此法執有差別義。一乘獨斷煩惱唯證人空。故於法執不名爲染亦不名有覆以不障彼智故。菩薩雙斷二障。雙證二智。於法執意名有覆無記。以障彼智故。是異熟生下明第七識同轉識故。名異熟生不同第八及前六識同招引滿名異熟果。此顯第七從彼轉生名異熟生間何名異熟生答此異熟名通而不局。色心諸法皆可名故。如增上緣餘緣不攝者皆入此攝。○二別釋差別

竟下三證有識體分二。一問答總標。

云何應知此第七識離眼等識有別自體。聖教正理爲定量故。

由彼小乘執唯第六未來名心過去名意現在名識無別第七別名爲意故有此問。答中先總標舉下文別引教理爲證。○一問答總標竟下二引正教理分二。一引聖教。

謂薄伽梵處處經中說心意識三種別義。集起名心思量名意了別名識是三別義。如是三義雖通八識而隨勝顯第八名心。集諸法種起諸法故。第七名意。

緣藏識等。恒審思量爲我等故。餘六名識於六別境
麤動間斷了別轉故。如入楞伽伽陀中說藏識說名
心。思量性名意能了諸境相。是說名爲識。又大乘經
處處別說有第七識故。此別有諸大乘經是至教量。
前已廣說故不重成。

謂小乘說未來名心。過去名意。現在名識。雖種種
別。唯一下第六無第七故。是故論主引經中語證有
第七。如是下釋上三名。雖通八識。而隨勝顯各定
一名。故以第八別名爲心。以具積集集起義故。第
七名意是思量義。以彼因中恒思執我無漏位中

恒思無我及緣真如於果位中。恒緣諸法平等轉
故。故云緣藏識等。餘六名識者是了別義。以前六
識易了名麤轉易名動。不續名間。六識各有所緣
名別。如入下引經證三名別義。又大乘下總結諸
大乘經說此第七皆別有體。大乘至教前已廣說
者。謂初能變識中已廣引過故不重成。
解脫經中亦別說有此第七識。如彼頌言染污意恒
時諸惑俱生滅。若解脫諸惑非曾非常有。彼經自釋
此頌義言有染污意從無始來與四煩惱恒俱生滅。
謂我見我愛及我慢我痴對治道生斷煩惱已此意

從彼便得解脫。爾時此意相應煩惱非唯現無亦無見在過去未來無自性故。如是等教諸部皆有恐厭廣文故不繁述。

復引小乘經中頌言證有第七識。前二句頌有漏謂第七識恒時染汚皆由諸惑與俱生滅。後二句頌無漏。若解脫者謂染第七識由對治道斷盡煩惱得其解脫。諸惑下謂斷種子。曾爲過去。當爲未來。彼經下復引解脫經中自解之詞。言無自性者是無種子也。若彼煩惱不斷種子。滅現行時名爲過去。未起現行名爲未來。今云三世無者是永斷一引聖教竟下二引正理分二。一結前標科已引聖教。當顯正理。

謂前已引大小乘教證有第七別名未那。復當顯理推明第七別有實體。○一結前標科竟下二正釋引理分七。一引不共無明分二。一正釋不共。謂契經說不共無明微細恒行覆蔽真實。若無此識彼應非有。謂諸異生於一切分恒起迷理不共無明。

覆真實義。障聖慧眼。如伽陀說。真義心當生。常能爲障礙。俱行一切分。謂不共無明。是故契經說。異生類恒處長夜無明所盲。惛醉纏心。曾無醒覺。若異生位有暫不起此無明時。便違經義。俱異生位迷理無明。有行不行。不應理故。此依六識皆不得成。應此間斷。彼恒染故。許有末那。便無此失。

緣起經說。有四無明。一現。二種。三相應。四不相應。或有爲二。共及不共。今言不共者。謂此微細恒行。行相難知。覆無我理。蔽無漏見。名覆真實。謂諸下釋成覆蔽真實義。一切分者。攝論云。是善不善。無記位中。常隨縛處。又彼念念執我迷。無我理故。名迷理。不共無明。如伽陀說者。引證前義。謂真實義。及真如心。一切衆生平等共有。以有染法故。常能爲障礙。使真義不生。問何法能爲障礙。答謂不共無明。於善等一切分位。與第七識俱。故能爲障礙。復引經證。不共無明。令諸有情。恒處長夜。曾無醒覺。故異生位有暫不起。或行不行。便違經義。此依下謂此恒行不共。依第六識皆不得成。恒染污義。應此恒行。依第六識反成間斷。彼第六識。依此無明。反恒染污。許有末那。無此過失。○一正釋不共。

竟下二問答廣辯。

染意恒與四惑相應。此俱無明。何名不共。有義此俱我見慢愛非根本煩惱。名不共。何失有義。彼說理教相違。純隨煩惱中。不說此三故。此三中。于煩惱攝故。處處皆說染污末那與四煩惱恒相應故。應說四中。無明是主。雖三俱起。亦名不共。從無始際。恒內惛迷。曾不省察。癡增上故。此俱見等應名相應。若爲主時。應名不共。如無明故許。亦無失。

問此意俱共有四惑。何獨無明名爲不共。初有義下未正。次有義下。正理破前。旣非根本。何隨煩惱

不說此三。又三心所十煩惱攝。處處說意。四惑俱故。何非根本。應說下。答上問意。謂此四中無明是主。獨名不共。言從無始際者。顯此無明長夜常起。恒內惛迷者。明一切時不了空理。曾不省察者。彰恒執我無循返時。癡增上故者。總顯癡王有自在意義。故名不共。此俱下謂見等三由非主義。應名相應。若得爲主時。亦應名不共。亦如無明許。亦無失。有義此癡名不共者。如不共佛法。唯此識有故。若余餘識相應煩惱。此識中無應名不共。依殊勝義立不共名。非互所無。皆名不共。謂第七識相應無明無始。

恒行障真義智。如是勝用餘識所無。唯此識有故名不共。既余此俱三亦應。名不共無明是王獨得此名。或許餘三亦名不共。對餘癡故。且說無明。

有義下非理。若余下正義破前。若唯此有名不共者。唯彼有者亦名不共。故不共名依殊勝立。非互所無名爲不共。謂第七下釋殊勝義餘識非有。唯依第七立不共名。既余下執者難謂既依第七有殊勝義名不共者。此見等三亦依第七何獨無明爲不共耶。論王答云以依王義獨名不共。或許餘三亦得不共。以對餘識相應癡故。且說無明有不

共義

不共無明總有一種。一恒行不共餘識所無。二獨行不共。此識非有。故瑜伽說無明有一。若貪等俱者名相應無明。非貪等俱者名獨行無明。是王獨行。唯見所斷。如契經說諸聖有學。不共無明已永斷故。不造新業。非王獨行亦修所斷。忿等皆通見所斷故。恒行不共餘部所無獨行不共。此彼俱有。

此明不共有二。恒行不共者唯第七有。故曰恒行。以第七識無間斷故。餘識所無故曰不共。獨行不共者不共餘九煩惱起故。曰獨行此識非有。亦名

80 1 2 3 4 5 6 7 8 9 100 1 2 3 4 5 6 7 8 9

不共復引瑜伽二義差別顯於貪等有俱不俱。立此相應及獨行名故他處言不共無明有三。一獨行不共不與貪等俱。二相應不共恒與貪等俱。三恒行不共不與第六間斷者俱。唯與第七俱。獨行無明復開二種言是主者自能分別也。故見所斷復引經證諸聖有學斷見所斷分別起惑不造業者即是斷此是主獨行不共無明惑故言非王者不自爲主也。無分別義顯是俱生故修所斷言亦修所斷者意兼見所斷故以共小隨是分別起故說忿等通見所斷言餘部者即是主非王二部也。

以非恒行不共故曰所無言此彼者此即是非王。彼即是王。以獨行不共即是彼二故云此彼俱有也。又古德云獨行有一二者是主獨行。二者非主獨行。不與小隨俱名爲是主。不與貪等餘九俱名爲獨行。若與小隨俱名爲非主。以小隨十自類不俱。各自爲主。既與彼俱不得王故亦不與餘九俱亦名獨行。是主獨行唯見所斷非王獨行通見修斷以共小隨見所斷故○二問答廣辯竟通上一不共無明竟下二眼色爲緣。

又契經說眼色爲緣生於眼識廣說乃至意法爲緣

生於意識若無此識彼意非有謂如五識必有眼等
增上不共俱有所依。意識既是六識中攝理應許有
如是所依。此識若無彼依寧有不可說色爲彼所依
意非色故意識應無隨念計度二分別故亦不可說
五識無有俱有所依。彼與五根俱時而轉如互影故
又識與根既必同境如心心所決定俱時由此理趣
極成意識如眼等識必有不共顯自名處等無間不
攝增上生所依極成六識隨一攝故。

引經推義證第七識名爲意根謂若無此第七識
者彼經中說意法爲緣生於意識彼意非有以彼
意根必第七故復以五識各有所依根法證第六
識亦必有根此識若無彼第六識根法寧有恐彼
轉計胸中肉團狀如蕉葷名爲意根故此抑云不
可說色爲彼所依意非色故又若以色爲依者意
識應無根之隨意識之計度二種分別以彼色法
無分別故亦不可下反覆比例顯有第七爲意根
義由此下結顯意識有根證有第七顯自名者以
意識名依意根立如前五識依五根立各自有名
識不相濫設問云等無間意豈非六識所依之根
耶答云等無間緣不攝增上緣以增上緣是生識

之根等無間緣是前滅之識已上所論六種根者極成六種識各隨一根所攝○二眼色爲緣竟下三思量名意。

又契經說思量名意若無此識彼意非有謂若意識現在前時等無間意已滅非有過去未來理非有故彼思量用定不得成既尔如何說名爲意若謂假說理亦不然無正思量假依何立若謂現在會有思量爾時名識寧說爲意故知別有第七末那恒審思量正名爲意已滅依此假立意名。

引經推義證第七識是思量意謂若有云思量名

意豈非等無間意耶釋云意識現前等無間意已滅已滅名過去故云理非有故體既非有彼思量用定不得成如何經說思量名意若謂下破轉計假說不成以無正思量不得立假說依正假立義舉文中故知別有下自釋復轉計云謂現在時思量曾有經說名意以遮上節過去非有之失論主破云若謂現在思量過去事爾時名爲識彼經寧說思量名意故知下釋成有正思量依之假立意名由此末那恒審無間故諸八識前已滅念依此假立無間意名以取前後生滅中無間耳○三思量

80 1 2 3 4 5 6 7 8 9 100 1 2 3 4 5 6 7 8 9

名意竟下四無想減定。

又契經說無想減定染意若無彼應無別謂彼二定俱滅六識及彼心所體數無異若無染意於二定中一有一無彼二何別若謂加行界地依等有差別者理亦不然彼差別因由此有故此若無者彼因亦無是故定應別有此意。

引經推義證第七識無想恒有謂彼二定俱滅六識心及心所體數無異者體卽心王數卽心所以俱滅故故曰無異若無下顯凡聖無差別義意在反顯有染意故於二定中一有染意名爲凡定一

無染意名爲聖定若無此識二定何別餘乘轉討謂加行等有差別故二定有別論王破云彼差別因由第七有若無染意彼因亦無雜集論云二無心定具足五門一所依故初起處所二自體故各別有體三假立故各立假名四作意故各有加行五地故所居界地論云加行者卽彼作意故界地者卽彼地故依等所依自體及假立故二無心定於彼五門各有異者由第七故若無第七五門差別俱不得成是故下結顯必有第七識義○四無想減定竟下五無想有情

又契經說無想有情。一期生中心心所滅。若無此識。彼應無染。謂彼長時無六轉識。若無此意我執便無。非於餘處有具縛者。一期生中都無我執。彼無我執。應如涅槃便非聖賢同所訶厭。初後有故無如是失。中間長時無故有過。去來有故無如是失。彼非現常。無故有過。所得無故能得亦無。不相應法前已遮破。藏識無故熏習亦無。餘法受熏已辯非理。故應別有染污。末那於無想天恒起我執。由斯賢聖同訶厭。彼引經推義證有第七染污義成言一期者。一報終始也。謂彼天中五百劫來。心心所滅。而名有染者。

以有此意恒起執故。若無此意。彼天長時無六轉識。我執便無。何名有染。非於下復以理推我執必有。攝論云。曾不見有具煩惱者。一期生中都無我執。彼無下亦以理推我執必有。謂彼天人滅六識時作涅槃想。自謂已得阿羅漢果。報盡壽終六識還起俱生貪。現謂阿羅漢身遭後有。故諸聖者同所訶厭。設彼轉計第六意識能起我執。何須第七方得起耶。故難云。初後有故等。謂彼天中初生起時半劫有識。然後方滅。最後半劫六識還起果報方盡。故云初後有識而起我執無如是失。中間長

時四百九十九劫無第六識。而起我執是有過失。
設彼執云去來既有意識何必第七復破云去來
有故等。謂前初生卽滅名過去非是常有。最後未
生名未來非是現在。彼去來世非同現在長時而
此長時無六識故。恒起我執是有過失所得無故
下攝論云非生刹那現起意識我執所依爲識引
故名有我執我執所依俱謝滅故。勢引亦無意以
所得爲六識能得爲我執故破云所得無故能得
亦無不相應等。恐彼轉計故先抑之藏識無故下
攝論云我執習氣在身相續亦不應理色法受熏

不應理故無堪能故。意謂餘乘執無藏識何得受
熏若不受熏。寧有熏習故破云藏識無故等。故應
下結成彼天定有染意。○五無想有情竟下六異
生善染

又契經說異生善染無記心時恒帶我執若無此識
彼不應有。謂異生類二性心時雖外起諸業而內恒
執我由執我故今六識中所起施等不能亡相故。瑜伽
說染污末那爲識依止。彼未滅時相了別縛不得
解脫。末那滅已相縛解脫言相縛者謂於境相不能
了達如幻事等。由斯見分相分所拘不得自在故名

80 1 2 3 4 5 6 7 8 9 100 1 2 3 4 5 6 7 8 9

相縛。依如是義有伽陀言。如是染汚意是識之所依。此意未滅時。識縛終不脫。

引經推義。證有第七恒起我執。謂諸有情善染無記三性心時恒帶我執。於染淨法不能忘相。謂異生下釋上恒帶我執。謂有情類於善等三性心時。前六轉識在外門轉作善染業而內第七念念執我能作善染。令六識中所起施等六種善業及貪等染業俱不亡相。故瑜伽下證有末那不得解脫。謂前六識無始時來恒以第七爲染淨依。故名依止。由斯依止念念執我今前六識了境相時不得得

解脫。末那滅已不起我執前六於境方得解脫。言相縛者於境不達。如幻事等由有末那念念執我今前六識與念相應於諸境相明記不忘。由斯見分緣相分時境相所拘不得解脫。不自在者無解脫義。故名相縛。依如是下引證上義。前二句頌第七識與前六識作所依止後二句頌七執我今前六識終不解脫。

又善無漏無記心時若無我執應非有漏。自相續中六識煩惱與彼善等不俱起故去來緣縛理非有故。非由他惑成有漏故。勿由他解成無漏故。又不可說。

別有隨眠是不相應現相續起。由斯善等成有漏法。彼非實有已極成故亦不可說從有漏種生彼善等故成有漏。彼種先無因可成有漏故非由漏種彼成有漏勿學無漏心亦成有漏故。

復以理推善無記心若無第七恒起我執彼二種心應非有漏因中無漏亦唯善與無記心故設彼轉計云六識中俱煩惱現行卽成有漏何要第七故此釋云善與煩惱更互生滅名自相續善心起時必無煩惱故知煩惱與彼善等不俱起故由彼煩惱已滅名過去未生名未來故又難云去來煩

惱必不現前若爲緣縛理非有故非由他惑者顯是第七念念執我故成有漏勿由他解者顯是第七念念無我故成無漏應知有漏無漏皆由末那若無第七二俱不成恐彼轉計別有一法名不相應現相續起善無記心成有漏法故先抑云又不可說等何則彼不相應非實有體已極成故何更執爲亦恐轉計有漏法生從有漏種得有漏名故復抑云亦不可說等何以故彼種先無因可成有漏故謂有漏種必第七識執我爲因若無第七因尚先無何得漏種生有漏法非由漏種彼成有漏

者牒上已破意也。勿學無漏心亦成有漏故者。抑彼轉計也。謂勿以學者無漏心亦得成有漏故。設若有云有漏善心是煩惱引故可爲因。下文答釋雖由煩惱引施等業而不俱起故非有漏正因。以有漏言表漏俱故。又無記業非煩惱引。彼復如何得成有漏然諸有漏由與自身現行煩惱俱生俱滅互相增益方成有漏。由此熏成有漏法種後時現起有漏義成異生既然。有學亦念無學有漏雖非漏俱。而從先時有漏種起故成有漏於理無違。由有漏那恒起我執令善等法有漏義成此意若無彼定非有故知。

別有此第七識。

此是釋詞謂煩惱時受諸苦惱。由苦惱故發起善心行施等業名引施等。又煩惱時善不生故善心起時煩惱減故。故云而不俱起故非有漏正因。意顯第七爲彼正因故。又云以有漏言表漏俱故有漏正因文中自釋。又無記下釋上無記不同善心由煩惱引。若無第七如何說彼得成有漏然諸有漏下釋成有漏正因必第七識謂第七識與自相應現行煩惱俱生俱減由第七故煩惱恒行由見等故第七執我名互增益。於念念中互相增益由

此惠成有漏法種後時從種現起有漏故有漏種第七爲因異生既然有學亦念者例明凡聖初起有漏義同無學下例顯無學有漏亦同謂無學人雖非漏俱先有漏時亦由第七念念執我惠成漏種成有漏故復從有漏引起無漏證無學果於理無違由有下結成有漏必因末那顯第七識各別有體○六異生善染竟下七結成證義證有此識理趣甚多隨攝大乘略述六種諸有智者應隨信學然有經中說六識者應知彼是隨轉理門或隨所依六根說六而識類別實有八種

釋上所引經語皆是攝大乘中論意理雖甚多略述六種以開來學令有智者隨喜信受然有下牒釋經義謂有據經唯說六識而起執者應知彼是隨世間說隨世流轉唯六根故故依六根唯說六識而識類別實有八種豈執六識無第七耶○七結成證義竟通上二能變竟下三能變分二牒科標問

如是已說第二能變第三能變其相云何此中結前第二能變復問第三能變故云其相云何○一牒科標問竟下二舉頌酬答分三二能變

80 1 2 3 4 5 6 7 8 9 100 1 2 3 4 5 6 7 8 9

本識分二。一舉頌答

頌曰 次第三能變 差別有六種 了境爲性相
善不善俱非

此陳頌本答前問意。前一句謂第六識必同前五
緣麤顯境而有觸受及愛取生能成後有。故合六
種爲一能變。了境爲性相者謂前六識自性了境
卽能了境是彼行相。善不善俱非者俱非卽無記。
謂此六識三性皆具故。○一舉頌答竟下二解頌
意分三。一六種本識

論曰次中思量能變識後應辯了境能變識相此識

差別總有六種。隨六根境種類異故。謂名眼識乃至
意識隨根立名具五義故。五謂依發屬助如根雖六
識身皆依意轉然隨不共立意識名。如五識身無相
濫過或唯依意故名意識。辯識得名心意非例。或名
色識乃至法識隨境立名順識義故。謂於六境了別
名識。色等五識唯了色等法識通能了一切法。或能
了別法獨得法識名。故六識名無相濫失。

此中總標第三能變六種合成識。雖一體而隨根
境種類差別立六種名。謂名下釋上六名隨六根
立乃至者略其詞也。謂眼識。耳識。臭識。舌識。身識

意識眼等是根識卽自體故此六名隨根建立具五義故五謂依發屬助如根者釋立名五義也謂依根之識者依根處所識得生故屬根之識者由識種子隨逐根故助根之識者由識有無根損益故如根之識者俱有情數之所攝故已上四義皆依王釋唯根所發識又爲一例名依士釋士卽子也根雖發識根得父名根唯照境故劣識雖名子識能了境故勝依勝立名名依士釋六離合釋云父取子名名爲依士所依劣故設問云前六轉識俱依意轉何獨第六名爲意識故下答云雖六識身皆依意轉然隨不共所依之根立意識名由前五識依五色根則第六識唯依於意以取六識無相滌失或唯下重釋上義第六依意獨名意識不同前五無依色根然名意識辯識得名非彼心及意識之例彼心意識各具一義心持種故意思量故識了別故今言意識唯了別境故不爲例或名色識下後釋隨境亦立六名乃至者亦略詞也謂名色識聲識香識味識觸識法識隨境立者順識所了六境義故謂於下釋上六識了境別義謂前五識各別了境第六意識同五所了以法塵者卽

是色法乃至觸法名爲法法。故說法識通能了別一切諸法。各別了境名不相濫。

此後隨境立六識名。依五色根。未自在說。若得自在諸根互用。一根發識緣一切境。但可隨根無相濫。失莊嚴論說。如來五根。一一皆於五境轉者。且依麤顯同類境說。佛地經說成所作智。決擇有情心行差別。起三業化。作四記等。若不徧緣無此能故。然六轉識所依所緣麤顯極成。故此不說。前隨義便已說。所依此所緣境義便當說。

釋上依境立六識名。唯有漏位。以未轉依各別緣。

故若已轉依。一根發識緣一切境。色識等名互相溷濫。故但隨根立六種名。已轉未轉俱不相濫。莊嚴論下引證諸根互用義。復有難思妙力。故云且依麤顯。以五根境相麤顯故。佛地下引證難思化力。三業化合有十種。身化有三。一現神通化。二現受生化。三現業果化。語化亦三。一慶慰語化。二方便語化。三辯物語化。意化有四。一決擇意化。二造作意化。三發起意化。四領受意化。領受化中。復有四記。一一向記。如人問天。亦答於天。二分別記。如人問天。答云清氣爲天。三反詰記。如人問天。詰云。

何者爲天四默置記。如有人問。默然不答。設問云。
第二能變中頌說依彼轉緣彼。此頌何不言依緣
耶。故答云。然六轉識所依六根所緣六塵麤顯極
成故此頌中不說依緣。然前論中隨根義便已說
所依下文境便亦當解說有所緣義。○一六種本
識竟。下二了境性相。

次言了境爲性相者雙顯六識自性行相。識以了境
爲自性故。卽復用彼爲行相故。由斯無釋所立別名
能了別境名爲識故。如契經說眼識云何。謂依眼根
了別諸色。廣說乃至意識云何。謂依意根了別諸法。
彼經且說不共所依未轉依位見分所了餘所依了
如前已說。

此釋第三能變自性行相也。釋義有三。一以了境
正釋自性。謂六種識各所有自證分體性能了
境故說了境爲識自性。二以了境正釋行相。卽六
轉識各有見分爲自性行相能了境。復說了境爲
行相故。三以了境兼釋別名。以心意識各別有名。
集起名心。思量名意別說了境名爲識故。如契經
下引證六識之名皆以了別自境而立。彼經下釋
契經說眼等諸識各別緣境者是未轉依義。不共

80 1 2 3 4 5 6 7 8 9 100 1 2 3 4 5 6 7 8 9

所依者五色根也。未轉依者有漏位也。見分了者識所緣境各別義也。餘所依了者卽轉依位中諸根互用。如前章已說。謂彼經說一根唯緣一境是未轉依。若已轉依諸根互用。○二了境性相竟。下三三性相應分。二正釋三性。

此六轉識何性攝耶。謂善不善俱非性攝。俱非者謂無記。非善不善故名俱非。能爲此世他世順益故名爲善。人天樂果雖於此世能爲順益。非於他世故不名善。能爲此世他世違損故名不善。惡趣苦果雖於此世能爲違損。非於他世故非不善。於善不善益損

義中不可記別故名無記。此六轉識若與信等十二相應是善性攝。與無慚等十法相應不善性攝。俱不相應無記性攝。

問答以明六種轉識三性俱通故先標數言。俱非者無記性也。謂是非善及非不善。以顯三性三種別名。三種別義文中自釋。初能爲下釋善性。此世他世皆順益者善性易世不改也。樂果此世非他世者。果隨業轉業有盡故。不名善性。雅名善果。次能爲下釋不善。不善自性及惡趣果釋義同前。於善不善下釋無記。以不記善不記不善名無記故。

80 1 2 3 4 5 6 7 8 9 100 1 2 3 4 5 6 7 8 9 10

此六下謂前六識元非善染。由與善染心所相應成善染性。俱不相應名無記性。應知識體本淨。由與善染心所相應不相應故立三性名。○一正釋三性竟。下二舉執辯破。

有義六識三性不俱同外門轉互相違故五識必由意識導引。俱生同境成善染故若許五識三性俱行意識爾時應通三性便違正理故定不俱。瑜伽等說藏識一時與轉識相應三性俱起者彼依多念如說一心非一生滅無相違過。

此意未正謂前六種識三性不俱起以同外門故

互相違五識下舉一識不能齊起三性爲難謂前五生必由第六爲分別依生則俱生所緣同境成善成染亦由第六若許前五體性各別三性俱者六既同五亦通三性豈不違理瑜伽下牒釋論說諸識一時俱起三性是依多念前後起說卽如一心非一生滅亦前後起故此於彼無相違過。

有義六識三性容俱率爾等流眼等五識或多或少容俱起故五識與意雖定俱生而善性等不必同故前所設難於此唐捐

此義正理謂前六識三性俱起言率爾者瞽然起

也等流者念念同類也或多或少者有起未起也。謂此五識瞥然起時眼或緣善耳緣不善餘或無記是三同起率爾等流有五種心一率爾心謂聞法創初遇境便起二尋求心於境未達方有尋求三決定心知有法體而起決定四染淨心法詮欣厭而起染淨五等流心念念緣境前後等故又解深密經及決擇分說五識同時必有分別意識俱時而轉故眼俱意名率爾心初率墮境故此既初緣未知爲善爲惡爲了知故次起尋求與欲俱轉希望境故既尋求已識知先境次起決定印解境

故既決定已識界差別取正因等相於怨住惡於親住善於中住捨染淨心生由此染淨意識爲先引生眼識同性善染順時而起名等流心如眼識生耳等識生亦尔此五種心於八識中前五識有四除尋求心無分別故第六具五心第七無率爾尋求心有決定染淨等流三心第八有率爾決定等流三心或說前五唯率爾等流二心義猶未盡以前五識既與定俱宜有決定心又通三性宜有染淨心故云有四五識與意下釋不同性唐虛也。捐棄也謂五與六雖定俱生而善等性不定同五。

80 1 2 3 4 5 6 7 8 9 100 1 2 3 4 5 6 7 8 9

則汝前難一識三性虛棄其功矣。

故瑜伽說若遇聲緣從定起者與定相應意識俱轉。餘耳識生非唯彼定相應意識能取此聲。若不尔者於此音聲不領受故不應出定。非取聲時卽便出定領受聲已若有希望後時方出在定耳識率爾聞聲理應非善。未轉依者率爾墮心定無記故由此誠證五俱意識非定與五善等性同。諸處但言五俱意識亦緣五境不說同性。

引證不與前五同三性義謂出定者若遇聲緣引定起時意識既同定起是通善性。餘耳識生於性不定故六與五性必不同。非唯彼定下釋成等持位中耳識領受音聲非意識故等持位中五識有故非取聲時下釋成等引位中意識引定此定不獨意識導引亦起相應樂欲心所然後方出在定耳識下明定中瞽然聞聲心必散亂乃大隨煩惱之一名不善性未轉依者卽有漏位瞽然墮心是無記性以有漏位心昏昧故故五與六性不定同由此下結顯五六不同性義。

雜集論說等引位中五識無者依多分說。若五識中三性俱轉意隨偏注與彼性同無偏注者便無記性。

80 1 2 3 4 5 6 7 8 9 100 1 2 3 4 5 6 7 8 9

故六轉識三性容俱得自在位唯善性攝佛色心等道諦攝故已永滅除戲論種故。

釋論中所說定有三位謂入住出三住名等持出入二位名等引論說多分卽是入定出定二分意顯在定一分亦有五識故上文說在定耳識率爾聞聲又下論云遮等引故說性散動非遮等持故容有定若五識下釋上三性同起言偏注者但隨一性也不隨彼善染唯是無記故故六轉識三性容俱者結顯有漏前六轉識三性同起無漏位中唯是善性設問云自在位中亦有色心旣有色心

宜通三性何唯善性答云佛色心等道諦攝故道諦攝者釋唯是善離戲論種顯無不善無記種故○二舉執辯破竟通上一能變本識竟下二相應心所分三一略標六位分二一問頌答

六識與幾心所相應

頌曰此心所徧行別境善煩惱隨煩惱不定三受共相應

舉頌總答問意以標六位及受相應故前三句總頌心所有六位別第四句別頌三受亦共相應○一問頌答竟下二解頌意分二一釋六位分二一

80 1 2 3 4 5 6 7 8 9 100 1 2 3 4 5 6 7 8 9

釋相應義

卷第五

卷第五

論曰此六轉識總與六位心所相應謂徧行等恒依心起與心相應繫屬於心故名心所如屬我物立我所名心於所緣唯取總相心所於彼亦取別相助成心事得心所名如畫師資作模填彩故瑜伽說識能了別事之總相作意了此所未了相卽諸心所取所別相觸能了此可意等相受能了此攝受等相想能了此言說因相思能了此正因等相故作意等名心所法此表心所亦緣總相餘處復說欲亦能了可樂事相勝解亦了決定事相念亦能了串習事相定慧亦了得失等相由此於境起善染等諸心所法皆於所緣無取別相

總與六位心所相應者言總意別此中以能變論之故將八識分三卽合前六爲一能變是爲言總若以轉智言之卽將八識分四故分前五第六爲二心品是爲意別此言總與六位相應者依意識言若依五識止具三十四心所餘十七心所不與相應不可據此違害餘義恒依心起下釋相應義謂諸心所是我心之所有立我所名心於所緣下釋依義立心所名也以心取總相心所取別相助

成心王所不能取之別事故得所名。又言亦取者顯心所法取總別故。如畫下。喻上。王所助成師。喻心王資卽弟子。喻心所法。模喻總相。彩喻別相。故瑜伽下引論中意。釋上偏行位中五所能了總別相義。言此所未了者。謂此心王未了之事心所能了。故總釋云。卽諸心所取所別。相以該觸等四所了別相也。餘處復說者。釋別境位五種心所緣。總別義。定慧雙釋者。以彼同一所觀境故。○一釋相應義。竟下二釋位數名。

雖諸心所名義無異。而有六位種類差別。謂偏行有

五別境。亦五善。有十一煩惱。有六隨煩惱。有二十不定。有四。如是六位合五十一。一切心中定可得故。緣別別境而得生故。唯善心中可得生故。性是根本煩惱攝故。唯是煩惱等流性。故於善染等皆不定故。然瑜伽論合六爲五。煩惱隨煩惱俱是染故。復以四一切辯五差別。謂一切性及地時俱。五中偏行具。四一切別境。唯有初二。一切善。唯有一。謂一切地染。四皆無。不定。唯一。謂一切性。由此五位種類差別。

此釋六位合五十一所差別名數。一切心中下六句。釋上六位差別之義。如次應知。然瑜伽下釋彼

80 1 2 3 4 5 6 7 8 9 100 1 2 3 4 5 6 7 8 9

論不立六位以根隨二合一染位故唯有五復引
瑜伽辯五位中義有差別。四一切者謂一切性。一
切地一切時一切俱俱者卽八識俱通也。徧行具
四者三性皆具九地皆在一時有八識俱通別
境初二者以通三性及九地故善唯一者唯一切
地皆通善故染四皆無者於三性中唯不善故於
上八地伏不起故染法是有間斷非一切時有故。
染於八識不俱通故不定唯一者由善不善性方
名不定故故不定位唯通一切性。由此下總結五
位義有差別。○二釋位數名竟通上一釋六位竟

下二釋三受分四一正釋三受

此六轉識易脫不定故皆客與三受相應皆領順違
非二相故領順境相適悅身心說名樂受領違境相
逼迫身心說名苦受領中客境相於身於心非逼非
悅名不苦樂受。

總標六識三受相應文中別釋言易脫者是間斷
轉變義不定者於欣厭捨不專一故故皆客與三
受相應以彼三受恒轉變故皆領下釋三受名義
非二中客非逼悅等皆釋捨受義及名故違境順
境釋苦樂受。○一正釋三受竟下二總別各分。

如是三受或各分二五識相應說名身受別依身故意識相應說名心受唯依心故又三皆通有漏無漏苦受亦由無漏起故。

此明三受各分二義卽如苦受有身苦受心苦受樂捨亦然三皆屬身心故各分爲二別依身者以前五識別依五根總名身故唯依心者以一意識唯依意根亦是心分故唯依心又三下復以三受各分有漏及無漏受名爲二故謂有漏苦無漏苦樂捨亦然設難云旣稱無漏何名爲苦故釋云苦受亦由無漏起故以修無漏時方知世諦苦。

或各分三謂見所斷修所斷非所斷乂學無學非二爲三

或各分三者如說見所斷苦修所斷苦非所斷苦樂捨亦然又學無學下復別分三如有學樂及無學樂并非一樂苦捨亦然非學非無學名非二故學者無記法無學無記法名爲非學非無學法或總分四謂善不善有覆無覆二無記受有義三受容各分四五識俱起任運貪癡純苦趣中任運煩惱不發業者是無記故彼皆容與苦根相應瑜伽論說若任運生一切煩惱皆於三受現行可得若通一切

識身者徧與一切根相應。不通一切識身者意地。一切根相應雜集論說若欲界繫住運煩惱發惡行者亦是不善。所餘皆是有覆無記。故知三受各客有四總分四者善即樂受。不善苦受。有覆無覆二無記受。唯以捨受分爲二種。各分四者謂善捨受。不善捨受。有覆無記捨受無覆無記捨受苦樂亦然。五識下明有覆無記通苦根義。謂五識中俱生貪癡純苦趣中俱生煩惱不發業者但名有覆無記。非是不善以不發業故。彼客與苦根相應者顯是有覆無記苦也。瑜伽下引證有覆無記通三受義。

謂有覆無記苦。樂捨亦然。若通下牒前身心二受證成無覆無記善與不善有覆無記四法皆與三受根相應言一切識身者謂前五識取五塵境名爲身受。身是異熟果名無覆無記性。言徧與一切根相應者。一切根卽苦樂捨根。謂無覆無記苦無覆無記樂無覆無記捨。證客各分四法中一法通三受也。不通一切識身者是除去身受意地一切根相應者意地是心。取法塵境名爲心受。通善不善有覆無記各與三受相應。謂善苦受善樂受。善捨受。不善苦受。不善樂受。不善捨受。有覆無記苦。

受有覆無記樂受有覆無記捨受此證容各分四法中三法各通三受也雜集下復引證不善苦有覆無記苦受之義故知下結上引證各分四義或總分五謂苦樂憂喜捨三中苦樂各分二者逼悅身心相各異故由無分別有分別故尤重輕微有差別故不苦不樂不分二者非逼非悅相無異故無分別故平等轉故

總分五者以苦分憂樂分喜故三中下釋苦樂各分義謂逼身名苦受悅身爲樂受以無分別及尤重故逼心名憂受悅心名喜受者以有分別及輕

微故不苦不樂下釋上捨受不分義如文可知

二總別各分竟下三苦樂有無

諸適悅受五識相應恒名爲樂意識相應若在欲界初二靜慮近分名喜但悅心故若在初二靜慮根本名樂名喜悅身心故若在第三靜慮近分根本名樂安靜尤重無分別故諸逼迫受五識相應恒名爲苦意識俱者有義唯憂逼迫心故諸聖教說意地感受名憂根故瑜伽論說生地獄中諸有情類異熟無間有異熟生苦憂相續又說地獄尋伺憂俱一分鬼趣傍生亦尔故知意地尤重感受尚名爲憂况餘輕者

先明樂受於身於心有差別義。言近分者謂初二禪各有三天。每前二天未得徧滿故名近分。言根本者每第三天。悅身名樂。悅心名喜。彼初二禪雖唯名喜以悅身故亦可名樂。三禪近分同初二禪。雖未滿彼妙樂地中以忻慕彼安靜尤重亦可名樂。諸逼迫下次明苦受身心別義。五識名苦於理無違意識無苦此義未正。苦樂使心亦可通故諸聖教下引證唯憂無苦根義。瑜伽下復引論證異熟卽第八異熟生者卽前六識言無間者第八前六不相離故。前五苦受意識唯憂故云相續。又說地獄尋求伺察必與憂俱。鬼趣傍生亦有憂故。言一分者鬼有純苦及分苦故。傍生亦然故知下結顯經論尤重感受尚不名苦。况餘輕者不名爲憂。有義通二人天中者恒名爲憂。非尤重故傍生鬼界名憂名苦。雜受純受有輕重故。捺落迦中唯名爲苦。純受尤重無分別故。瑜伽論說若任運生一切煩惱皆於三受現行可得。廣說如前。又說俱生薩迦耶見唯無記性。彼邊執見應知亦然。此俱苦受非憂根攝論說憂根非無記故。又瑜伽說地獄諸根餘三現行定不成就。純苦鬼界傍生亦然。餘三定是樂喜憂根。

以彼必成現行捨故。豈不容捨彼定不成。
此義正理。意地有苦亦通憂故。於五趣中。有差別。
故人趣天趣。唯憂根者非尤重故。若傍生趣及餓
鬼趣雜受名憂。純受名苦。輕重可分故。梵音捺落
迦。此云純苦趣。純受尤重。唯名苦故。以證純苦唯
是苦根。瑜伽論說任運煩惱通三受者。以證意地
有苦相應。以任運時不生憂故。薩迦耶見此云身
見。謂瑜伽說俱生身見及邊執見。唯無記性。以證
憂根非無記攝。論王釋云。彼身邊見既無記性。不
與憂俱。此純苦處亦無記性。應苦受俱。非憂根攝。

復引證云。論說憂根非無記故。又瑜伽下復引純
苦無憂根義。諸根卽五受根。餘三下論王自釋。謂
彼論說餘三言。卽是樂喜憂根。以純苦處必成現
行捨受。豈不容捨受樂喜憂三根。定不成就。以樂
喜憂不與純苦捨受俱轉。

寧知彼文唯說感受應。不說彼定成意根。彼六客識
有時無故。不應彼論唯說感受通說意根。無異因故。
又若彼論依客受說。如何說彼定成入根。若謂五識
不相續。故定說憂根爲第八者。死生悶絕。體有憂根。
有執苦根爲第八者。亦同此破。

寧知下意地無苦師難詞。論言客受節捨受以客
不苦樂名捨受故。謂汝寧知瑜伽論文唯說客捨受
應不說彼定成意識相應樂喜憂根復云彼六容
識有時無故六客識者卽彼苦處相應捨受六種
識也有時無故者謂若無捨受時亦有憂根不應
下論王牒執難破謂不應彼論唯說客捨受通說
意地有憂根者牒執意無異因故者是破詞謂苦
樂捨同無記性是無分別共與一識相應若通憂
根是有分別一識爲因難通二義故云無異因故
恐轉計云論依捨受說通憂根論王難云若依捨

文通憂根者第八識與捨受相應如何說彼憂根
定成第八相應根也若謂下復恐轉計前五轉識
有間斷故非憂根俱唯第八識恒相續故與憂相
應故純苦處亦有憂根論王難云悶絕等位第八
相續寧有憂根若有憂根何名悶絕有執下結顯
第八唯是捨根非憂苦故

設執一形爲第八者理亦不然形不定故彼惡業招
客無形故彼由惡業令五根門恒受苦故定成眼等。
必有一形於彼何用非於無間大地獄中可有希求
嬉欲事故由斯第八定是捨根第七八識捨相應故

如極樂地意悅名樂無有喜根故極苦處意迫名苦無有憂根故餘三言定憂喜樂

彼謂形身第八執受則苦樂受宜與第八相應論主破云理亦不然形不定故謂彼地獄惡業所招隨業變化非謂一定有形體故彼由下釋彼業招容無形義謂五根門恒受業苦定成眼等五業報根別執一形無所用故非於下釋形無用義不求婬欲者顯無樂喜根由斯下結顯第八唯是捨受以破前執第八有苦根義如極樂下例明極苦無有憂根結顯論中說餘三言定憂喜樂

餘處說彼有等流樂應知彼依隨轉理說或彼通說餘雜受處無異熟樂名純苦故然諸聖教意地感受名憂根者依多分說或隨轉門無相違過瑜伽論說生地獄中諸有情類異熟無間有異熟生苦憂相續又說地獄尋伺憂俱一分鬼趣傍生亦尔者亦依隨轉門又彼苦根意識俱者是餘憂類假說爲憂或彼苦根損身心故雖苦根攝而亦名憂如近分喜益身心故雖是喜根而亦名樂顯揚論等具顯此義然未至地定無樂根說彼唯有十一根故由此應知意地感受純受苦處亦苦根攝此等聖教差別多門恐文

80 1 2 3 4 5 6 7 8 9 100 1 2 3 4 5 6 7 8 9

增廣故不繁述。

增註備考

卷第五

論

通釋餘義。謂餘處說純受苦處有等流樂。如熱地獄猛火暫歇。或見清泉流水等境。亦名爲樂。而實非樂。故名等流。依世流轉所說樂義。或彼通說餘雜受處有等流樂。非說無有異熟果報樂者。無果報樂名純苦。故然諸聖教下通釋前師所引教意。感受憂根。依多分者。顯有少分亦通苦根。或依流转變感說故。無相違過。瑜伽下釋前論說憂根相應。皆依世間流轉門說。非實憂根。又彼下釋彼論說意俱苦受與憂同類。假說名憂。而實是苦。復釋論意云。或說苦根損身心。故雖苦根攝。依於心義而亦名憂。其實是苦。如近分喜。依於身義而亦名樂。其實是喜。顯揚論等。具顯此義者。通結餘論亦如上義。然未至地下釋上說樂。皆是假說。未至三禪無樂根。故十一根者。對欲界地初二禪說。前五第六各四除樂。共有一根。第七八識各唯捨根。共有一十根。地獄身心共是苦根。故有十一。唯捨苦等五受根釋也。或無漏位有十二根。謂信等五根。意喜樂捨共成九根。三無漏根。則有十二。未至樂地。故除樂根。唯有十一。或有漏位亦十二根。謂眼等。

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

五根男女二根命根意根苦樂捨三則有十二未至樂地故除樂根唯有一此據二十二根釋也以十一根義未有的據故三釋俱存俟更參考由此下結顯論說意地苦根相應無失此等下總結前義○三苦樂有無竟下四舉執辯破

有義六識三受俱皆外門轉互相違故五俱意識同五所緣五三受俱意亦應亦便違正理故必不俱瑜伽等說藏識一時與轉識相應三受俱起者彼依多念如說一心非一生滅無相違過有義六識三受俱順違中境容俱受故意不定與五受同故於偏

注境起一受故無偏注者便起捨故由斯六識三受容俱得自在位唯樂喜捨諸佛已斷憂苦事故

此中執意破詞俱與三性章中意同故不重釋○

四舉執辯破竟通上一略標六位竟下二廣顯差別分五一徧行別境分三一結前標問

前所略標六位心所今應廣顯彼差別相且初二位其相云何

此中結前略標六位義竟起後廣顯六位差別次第解釋故問其相云何○一結前標問竟下二舉頌總答

80

90

100

18

領曰 初徧行觸等 次別境謂欲 勝解念定慧
所緣事不同

舉頌荅前問意初句頌徧行位第二三句頌別境
其位第四句釋別境義○二舉頌總荅竟下三解釋
並頌意分二一釋徧行

論曰六位中初徧行心所卽觸等五如前廣說此徧
行相云何應知由教及理爲定量故此中教者如契
經言眼色爲緣生於眼識三和合觸與觸俱生有受
想思乃至廣說由斯觸等四是徧行又契經說若根
不壞境界現前作意正起方能生識餘經復言若復
等聖教誠證非一

釋第一句頌中觸等五所如三卷中初能變下廣
說體性業用差別故不重陳復申問荅以明徧行
教理可證三卷中云其徧行相後當廣釋文出於
此此中下先引聖教證觸受想思四是徧行以從
三和相應變故故此四法有徧行義又契經下引
證作意亦是遍行以有作意識方生故餘經下復
引餘經證此作意是徧行義作意是心所了別是

80 1 2 3 4 5 6 7 8 9 100 1 2 3 4 5 6 7 8 9

心王以心心所不相離故顯是徧行此等聖教誠證非一者結顯聖教證五徧行誠非一種引教竟理謂識起必有三和彼定生觸必由觸有若無觸者心心所法應不和合觸一境故作意引心令趣自境此若無者心應無故受能領納順違中境令心等起歡感捨相無心起時無隨一故想能安立自境分齊若心起時無此想者應不能取境分齊相思令心取正因等相造作善等無心起位無此隨一故必有思由此證知觸等五法心起必有故是徧行餘非徧行義至當說。

凡爲格物必以理推今推觸所定是徧行謂根境識三法和合定有觸生而彼三和亦應觸有故心心所和合觸境必由觸力是徧行義令心觸境理應作意諸心心所由作意生故知作意亦是徧行受領順境令心等歡領違令感領中令捨若無領受心等起時無隨三境各起一相此能令起故是徧行諸心於境取分齊相必由於想故想心所是徧行義正因等者等於邪因取正造善不正不善若無思時心等起位無隨邪正造善等義此能令取故是遍行引理竟由此下結上五所是徧行義

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

餘非徧行者顯後別境無此義故○一釋徧行竟
下二釋別境分三一正釋五所

增補卷之三

卷之三

三

謂欲觀境於一切事欲觀察者有希望故若不欲觀隨因境勢任運緣者卽全無欲由斯理趣欲非徧行總標五所名位次第復別釋義顯非徧行云何下問答以明欲心所體性業用雜集論云於所樂事彼彼引發所作希望爲體正勤所依爲業初有義下以可欣釋所樂故卽問云於可厭事欲彼不合欲彼別離亦應有欲何獨可欣名希望欲論王荅云此可欣欲但於求彼不合離時於自體上有可欣義非可厭事亦有欣欲故於下結顯欲非徧行以於可厭中容及不希望欲不起故中有義下以

次別境者謂欲至慧所緣境事多分不同於六位中次初說故云何爲欲於所樂境希望爲性勤依爲業有義所樂謂可欣境於可欣事欲見聞等有希望故於可厭事希彼不合望彼別離豈非有欲此但求彼不合離時可欣自體非可厭事故於可厭及中客境一向無欲緣可欣事若不希望亦無欲起有義所樂謂所求境於可欣厭求合離等有希望故於中客境一向無欲緣欣厭事若不希求亦無欲起有義所樂

可求釋所樂。於欣求合於厭求離皆有欲故。於中
容下結顯欲非遍行。以中容境及不希望必無欲
故後有義下以欲觀釋所樂。謂欲觀察是所樂故
若不下釋非徧行。因境勢者隨現有境而爲所緣
非希望故。故全無欲。由斯下總結上來三義解欲
皆非徧行。於上三義詞雖有別。義無乖反。

有說要由希望境力諸心心所方取所緣。故經說欲
爲諸法本。彼說不然。心等取境由作意故。諸聖教說
作意現前能生識。故曾無處說由欲能生心心所故。
如說諸法愛爲根本。豈心心所皆由愛生故。說欲爲

諸法本者。說欲所起一切事業。或說善欲能發正勤。
由彼助成一切善事故。論說此勤依爲業。

彼說未正。謂心心所由欲生故。執爲遍行。論主破
云。彼說不然等。謂諸聖教唯說作意能生諸識。不
魯說欲生心心所。如說下引經例破。如經說言。一
切諸法以愛爲本。豈愛能生心心所耶。應知欲爲
善欲爲本故。論說此欲勤依爲業。是爲諸法以欲
爲本。非欲能生心心所故。
云何勝解。於決定境印持爲性。不可引轉爲業。謂邪

80 1 2 3 4 5 6 7 8 9 100 1 2 3 4 5 6 7 8 9

正等教理證力於所取境審決印持由此異緣不能引轉故猶豫境勝解全無非審決心亦無勝解由此勝解非偏行攝有說心等取自境時無拘礙故皆有勝解彼說非理所以者何能不礙者卽諸法故所不礙者卽心等故勝發起者根作意故若由此故彼勝發起此應復待餘便有無窮失

問答以釋勝解心所體性業用印定持守爲體餘緣不能引轉爲業謂邪正下釋決定義邪正之教及邪正理證據之力於境審決印持與緣不能引轉說名勝解故猶豫下釋此勝解非偏行義以猶

豫時及非審決無印持故有說下執爲偏行謂心心所取自境時於所緣境無有拘礙名爲勝解以偏心等是偏行義論王破云彼說非理謂能不礙者卽所緣諸法境也所不碍者卽能緣心心所也勝解發起者根緣作意緣也豈唯由境發勝解耶若由下牒執難破謂若由此境故彼勝解發起此境應復待餘心生便有心境互生之失心境互生展轉不已故云無窮

云何爲念於曾習境令心明記不忘爲性定依爲業謂數憶持曾所受境令不忘失能引定故於曾未受

80 1 2 3 4 5 6 7 8 9 100 1 2 3 4 5 6 7 8 9

體類境中全不起念。設曾所受不能明記。念亦不生。故念必非徧行所攝。有說心起必與念俱。能爲後時憶念因故。彼說非理。勿於後時有癡信等。前亦有故。前心心所或想勢力足爲後時憶念因故。

問答以釋念心所體性業用。明記諸法念之性也。由明記故。因而定生念之用也。謂數憶持下釋上明記及定依義。於曾未受下釋念心所非徧行義。以未受境及不明記念不生故。有說下執念心所是徧行義。以心起時必有念故。論主破難云。彼說非理。勿於後時有癡信等。前亦有故。如七八識轉心王。念是心所。非主義故。

云何爲定。於所觀境令心專注。不散爲性。智依爲業。謂觀得失。俱非境中。由定令心專注。不散。依斯便有決擇智生。心專注言顯所欲住。便能住。非唯一境。不専見道。歷觀諸諦。前後境別應無等待。若不繫心。

專注境位。便無定起。故非徧行。

問答以釋定心所體性業用。專注不散爲體。定久慧生爲用。謂觀下釋上專注不散。智依爲業義。俱非者非得非失也。即是對境無分別心。故名爲定心專注。言下釋上專注非定一境。以住境時無第二念。故歷諸境皆名專注。以其境自往來。心恒專注。若不下謂定心所亦非徧行。以不繫心定不起故。

有說爾時亦有定起。但相微隱應說誠言。若定能令心等和合同趣一境。故是徧行。理亦不然。是觸用故。若謂此定令刹那頃心不易緣。故徧行攝。亦不應理。一刹那心自於所緣無易義故。若言由定心取所緣。故遍行攝。彼亦非理。作意令心取所緣故。有說此定體卽是心。經說爲心學。心一境性故。彼非誠證。依定攝心令心一境說。彼言故根力覺支道支等攝。如念慧等。非卽心故。

執定心所有徧行義。謂不繫心時亦有定起。微隱難知。應說誠言者。誠然有定故。又若令心和合趣境。是徧行義論主破云。理亦不然。是觸用故。謂令心觸境是觸業用。豈定用耶。若謂下重執徧行。謂

定令心。一刹那頃不得易緣。定是偏行。復破云。一刹那心時之極少。自然無易。何定心所令無易緣。若言下後執偏行。又破云。令心所緣唯是作意。豈定心所令心所緣有說下。謂定心所是假非實。故說卽心。以經說定名心學。故彼非下論王破。謂彼引經非爲誠證。以定攝心。令心一境。故經說爲心一境性。五根五力及七覺支。八聖道支皆攝此定。如念與慧各別有體。非卽心故。

云何爲慧。於所觀境。簡擇爲性。斷疑爲業。謂觀得失俱非境中。由慧推求得決定。故於非觀境愚昧心中。

無簡擇故。非偏行攝。有說爾時亦有慧起。但相微隱。大受寧知對法說爲大地法故。諸部對法。展轉相違。汝等如何執爲定量。唯觸等五經說偏行。說十非經不應固執。然欲等五非觸等故。定非偏行。如信貪等。問答以釋慧心所體。性業用。簡擇諸法慧之性也。決斷疑情慧之用也。謂觀下釋上。簡擇斷疑。推求釋簡擇。決定釋斷疑。於非觀境下。釋非偏行。以愚昧心慧不生故。有說下執慧心所亦是偏行。謂愚昧時。慧相微隱。故大受者不能知。微觸等欲等名。大地法觸既偏行。欲亦應然。故說對法。大地法故。

諸部下論主以正理辯破部卽位也。對法者各配其類觸等欲等俱徧地故名大地法。若論徧行簡去欲等。若論別境簡去觸等。故說對法展轉相違。餘義如文茲不繁贅。○一正釋五所竟。下二廣辯現起。

有義此五定互相資。隨一起時必有餘四。有義不定。瑜伽說此四一切中無後二故。又說此五緣四境生。所緣能緣非定俱故。應說此五或時起一。謂於所樂唯起希望。或於決定唯起印解。或於曾習唯起憶念。或於所觀唯起專注。謂愚昧類爲止散心雖專注所

緣而不能簡擇。世共知彼有定無慧。彼加行位必有聞思故說等持緣所觀境。或依多分故說是言。如戲忘天專注一境起貪瞋等有定無慧諸如是等。其類實繁。或於所觀唯起簡擇。謂不專注馳散推求。

初義未正。謂互相資必俱起故。次義正理謂五心所不定俱起。瑜伽下引證四一切中無後二者是。一切時及一切俱謂無同時及俱起義。又說所緣之境有四能緣之心。有五非定俱起。應說下論王自立正義謂或時起一乃至或時起五。或有五種俱不起時。故云不定於所樂境。唯起希望者無第

80 1 2 3 4 5 6 7 8 9 100 1 2 3 4 5 6 7 8 9

二義勝解及念應知亦然初或於所觀下釋所觀境唯起專注以專注言卽是定義謂愚昧者心多散亂爲止散故專注所緣以愚昧故不能簡擇不同聖賢定慧等觀故於所觀唯起專注設有問云既無簡擇何有所觀論主答云謂彼於定起加行時少從聞思散亂方止故說等持緣所觀境言等持者卽定也或依多分者非一境也說是言者是說定言戲忘天者欲界天也以欲樂時東戲忘西在前忘後雖名專一境然起貪瞋癡貪乃順境瞋乃違境癡非二境豈專一境而能起三以喻定名

專一境而境非一也次或於所觀下釋唯起慧於所觀境馳散推求是簡擇義不同前定故無專注或時起二謂於所樂決定境中起欲勝解或於所樂曾習境中起欲及念如是乃至於所觀境起定及慧合有十二或時起三謂於所樂決定曾習起欲解念如是乃至於曾所觀起念定慧合有十三或時起四謂於所樂決定曾習所觀境中起前四種如是乃至於定曾習所觀境中起後四種合有五四或時起五謂於所樂決定曾習所觀境中俱起五種如是於四起欲等五總別合有三十一句或有心位五皆不起

如非四境率爾墮心及藏識俱此類非一。

或時起二乃至合有十二者謂於四境次第雙起有十箇二一欲解二欲念三欲定四欲慧五解念

六解定七解慧八念定九念慧十定慧是於四境二所齊起是有十數頌曰欲兼解念定慧四解無

念定慧成三念兼定慧數當九第十定慧十二有

或時起三乃至合有十三者謂於四境次第兼起

有十箇三一欲解念二欲解定三欲解慧四欲念定五欲念慧六欲定慧七解念定八解念慧九解

定慧十念定慧是於四境三所齊起亦有十數頌

曰欲解逢念定慧三欲念復逢定慧參欲定逢慧數當六解念加定慧八數解定慧與念定慧合有十三數始足或時起四乃至合有五四者謂於四境次第兼起有五箇四一欲解念定二欲解念慧三欲解定慧四欲念定慧五解念定慧是於四境四所齊起唯有五數頌曰一起前四二除定三念四解五欲盡從慧逆除合五四前後論文誠可證或時起五下謂於四境齊起五種總爲一數如是下結成總別句數謂欲等單起有五句起二起三各有十句起四有五句起五爲一句共有三十一

句或有心下釋成五所皆不起義謂有心位如非四境五皆不起或時四境率爾墮心五亦不起藏識於五非相應故亦不俱起故五不起此類非一

○二廣辨現起竟下三分屬諸門

第七八識此別境五隨位有無如前已說第六意識諸位客俱依轉未轉皆不遮故有義五識此五皆無緣已得境無希望故不能審決無印持故恒取新境無追憶故自性散動無專注故不能推度無簡擇故此別境五於第八識有漏位無第七有漏唯有慧二識轉依五俱相應如前第二能變識中已廣

說故第六意識與別境五有漏無漏皆相應故有義未正謂前五識與別境五無相應理緣已得下釋此五所無相應義如次應知

有義五識客有此五雖無於境增上希望而有微劣樂境義故於境雖無增上審決而有微劣印境義故雖無明記曾看境體而有微劣念境類故雖不作意繫念一境而有微劣專注義故遮等引故說性散動非遮等持故客有定雖於所緣不能推度而有微劣簡擇義故由此聖教說眼耳通是眼耳識相應智性餘三準此有慧無失未自在位此五或無得自在時

此五定有樂觀諸境欲無減故印境勝解常無減故憶者曾受念無減故又佛五識緣三世故如來無有不定心故五識皆有作事智故。

論主正義許前五識容五相應雖無下釋前五識亦有微細欲勝解念如次應知雖不下釋前五識有專注義設有問云五識散動何得有定故釋云遮等引故說性散動非遮等持故容有定等引有入定出定時也此時五識不容有故等持者在定時也以在定時現量取境同五識故故容有定雖於下釋前五識有簡擇義眼耳二通相應智性者

證眼耳識與慧相應此二有慧餘臭舌身三識準此有慧無失未自在下結前有漏五所或無起後無漏五所定有樂觀下釋自在位定有五所相應五識一一如次

此別境五何受相應有義欲三除憂苦受以彼二境非所樂故餘四通四唯除苦受以審決等五識無故有義一切五受相應論說憂根於無上法思慕愁慼求欲證故純受苦處希求解脫意有苦根前已說故論說貪愛憂苦相應此貪愛俱必有欲故苦根既有意識相應審決等四苦俱何咎又五識俱亦有微細

印境等四義如前說。由斯欲等五受相應。此五復依性界學等諸門分別。如理應思。

問答以明別境。會通五受。初有義未正。謂欲一心所與三受俱。除憂苦二受以憂苦境非所樂故。餘解念定慧四心所。通餘四受。唯除苦受。審決卽勝解等者等。念定慧以審決等五識無故者。前五轉識是苦受識。識既不與四心所相應。苦受亦不與四心所相應。次有義正理。許欲等五五受相應。由前師執憂根不與欲心所俱。今引論證與欲俱起。以愁感時是憂根故。求欲證者是欲心所。前執苦

根不與欲俱。今引純苦希求解脫顯欲俱起。又欲心所必通第六意識意地有苦前已說故。亦顯欲與苦根相應。論說貪愛下重引論證欲與憂苦共相應義。前執苦根無審決等。今引苦根與意相應。意又相應審決等四。故苦與四相應無失。又五識下展轉破前審決等義。由斯下結上欲等五受相應此五下結顯三性三界及三學等諸門分別。一如理。詞不復現。○三分屬諸門竟。通上一徧行別境竟。

成唯識論俗註卷第五終

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

丁是轉為前

意又昧觀審火等四妙苦而四味厭服火又五端
卦觀苦而昧觀審火等全門苦而昧觀審火等
與苦昧昧觀審火等全門苦而昧觀審火等
卦不與昧觀審火等全門苦而昧觀審火等又

成唯識論俗詮卷第六

天親菩薩造頌

護法等菩薩造論

唐三藏法師玄奘奉詔譯

明西蜀沙門明昱俗詮

前第三能變分二牒科標問。一舉頌總答分三。
一能變本識。二相應心所分三。一略標六位。二廣
顯差別分五。一徧行別境二位。五卷中已竟。此第
二善位分三。一結前標問。

已說徧行別境二位善位心所其相云何。

善心所者雜集有十三種善。此卽第一種乃十三種中體也。何爲十三。一自性善。心所有法故。二相屬善。彼相應法故。三隨逐善。彼習氣故。四發起善。發身語業故。五第一義善。謂真如故。六生得善。俱生善故。七加行善。方便修習故。八現前供養善。圖寫尊容書治法藏故。九饒益善。以四攝事故。十引攝善。因果互引故。十一對治善。厭壞等諸對治故。十二寂靜善。永斷障染故。十二等流善。勝品神通因果等故。○一結前標問竟。下二舉頌總答。

頌曰 善謂信慚愧 無貪等三根 勤安不放逸

行捨及不害

此中總頌善位十一心。所以答問意。第一句頌有三。謂信慚愧。第二句頌有三。謂無貪無瞋無癡。三名根者。生善勝故。名爲善根。第三句頌有三。謂勤卽精進。安卽輕安。及不放逸。第四句頌有二。謂行捨不害。○二舉頌總答竟。下三解釋頌意分三。一正釋心所。有十一章。

論曰。唯善心俱。名善心所。謂信慚等。定有十一云。何爲信。於實德能深。忍樂欲心淨爲性。對治不信。樂善爲業。然信差別略有三種。一信實有。謂於諸法實事。

80 1 2 3 4 5 6 7 8 9 100 1 2 3 4 5 6 7 8 9 100

理中深信忍故。二信有德謂於三寶真淨德中。深信樂故。三信有能謂於一切世出世善深信有力。能得能成起希望故。由斯對治不信彼心愛樂證修世出世善。

總釋善所准與善心相應定數十一。云何爲信下。一釋信心所體性業用令心心所俱得清淨。是信自性樂爲衆善是信業用。然信差別略有二種者。總舉論說實德能三深忍深樂深欲之意。一信實有下釋深忍諸法卽內身外器等各有自相。名實事理以諸法自相言詮無所加。心識不可到。唯信

忍可名信實有二信有德下釋深樂三寶德者佛以法身爲德法以般若爲德僧以解脫爲德以此三法處染常淨故名真淨。由信三德而起好樂名深信樂。三信有能下釋深欲世間善有漏能引無漏出世善無漏能引無爲故云深信有力能得在心能成在事有爲曰成無爲曰得信上諸善而起希望故名深欲由斯三信卽能對治彼不信心以此信心愛修諸善彼不信心障諸善故。不忍謂勝解此卽信因樂欲謂欲卽是信果確陳此信自相是何。豈不適言心淨爲性此猶未了彼心淨言。

80 1 2 3 4 5 6 7 8 9 100
若淨卽心應非心所若令心淨慚等何別心俱淨法爲難亦然此性澄清能淨心等以心勝故立心淨名如水清珠能清濁水慚等雖善非淨爲相此淨爲相無濫彼失又諸染法各別有相唯有不信自相渾濁復能渾濁餘心心所如極穢物自穢穢他信正翻彼故淨爲相

問答以明信心所因果自性也。問前所說恐及樂欲是信因果何名自相論王答云適言心淨爲性卽是自相問者復申難詞云猶未了彼心淨言義若淨卽心有心無所故云應非心所若作釋者體

持業用持業釋以心體上持淨用故若令心淨心所令心慚等亦然故云慚等何別以慚等法亦令心淨若作釋者能所依彰依主釋以心所爲能令心王爲所令也心俱淨法者是心同心所又同慚等故云爲難亦然若作釋者居近隣強隣近釋以彼心所近心王故論王答云此信心所自性澄清能淨於他心心所法以心勝故但言心淨心所在焉如水下以信心所喻珠餘心心所喻濁水耳上難云若淨爲相慚等何別故此釋云慚等雖善非淨爲相此淨爲相無濫彼失又諸染法下復以染

80 1 2 3 4 5 6 7 8 9 100 1 2 3 4 5 6 7 8 9

淨相翻義勢相等以明淨他心等爲信自相。

有說信者愛樂爲相應通三性體應卽欲。又應苦集非信所緣有執信者隨順爲相應通三性卽勝解欲。若印順者卽勝解故若樂順者卽是欲故離彼二體無順相故由此應知心淨是信。

小乘上座部云信者愛樂爲相論主破云應通三性信是善性愛是染性樂通無記旣通三性體應卽欲何名信體唯是善性又苦集諦是信所緣若謂信相是愛樂者苦集二諦是誰愛樂故云又應苦集非信所緣大乘與師復執信者隨順爲相破

云三性俱通何唯名善又據順義有二種別一者印順卽勝解故二者樂順卽是欲故離印及樂無順相義此勝解欲旣在別境何與善位心所爲相結云由此應知心淨是信。

云何爲慙依自法力崇重賢善爲性對治無慚止息惡行爲業謂依自法尊貴增上崇重賢善羞耻過惡對治無慚息諸惡行。

二釋慚心所體性業用自卽自身法卽教法謂我如是身解如是法敢作諸惡耶故以崇賢重善爲體止息惡行爲用謂依下釋上自法及崇重義謂

依自身尊貴教法增上於賢欽崇於善敬重於過惡事自生羞耻能以慚心治無慚心諸惡自息云何爲愧依世間力輕拒暴惡爲性對治無愧止息惡行爲業謂依世間訶厭增上輕拒暴惡羞耻過罪對治無愧息諸惡業

三釋愧心所體性業用世人譏訶名世間力輕有惡者而不親拒惡法業而不作愧之體也對治無愧止息惡行愧之用也謂依下釋世間力及輕拒羞耻義同上

羞耻過惡是二通相故諸聖教假說爲體若執羞耻爲二別相應慚與愧體無差別則此二法定不相應非受想等有此義故若待自他立二別者應非實有便違聖教若許慚愧實而別起復違論說千遍善心崇重輕拒若二別相所緣有異應不俱生二失既同何乃偏責誰言二法所緣有異不尙何如善心起時隨緣何境皆有崇重善及輕拒惡義故慚與愧俱徧善心所緣無別豈不我說亦有此義汝執慚愧自相既同何理能遮前所設難然聖教說顧自他者自法名自世間名他或卽此中崇拒善惡於己益損名自他故

此辨慚愧互通羞耻過惡爲體以他處言羞耻一法爲二別相論王牒辨若一羞耻爲二別相慚愧二法應爲一體以彼羞耻唯一體故若一體法成就於愧者不應於慚此不相應非受想等有此羞耻義故若待自他下自是自法力他是世間力恐彼轉計慚愧別者待自他故破云應非實有以依自他是假非實又聖教說慚愧體實與教相違若許慚愧實是一體別起爲二復違論說十遍善心以論中說十一善法輕安不遍餘十俱遍慚愧若

一數應唯九故違論說崇重輕拒下外人難謂崇重緣善輕拒緣惡緣一境時不應俱生崇重輕拒二心則知羞耻緣善緣惡緣一境時不應俱生慚愧二心能令羞耻爲二別相崇等羞等過失既同何乃偏責羞等誰言二法所緣有異者論王牒辨也不尅如何者外人復問也善心起時下論王釋謂於善惡境中隨緣何境有崇重時必有輕拒慚愧俱起所緣無異豈不前說羞耻過惡有此通相汝執下責破前執慚愧體同何理能遮前引十遍善心之難然聖教說下釋成說自他義或卽下又

以善惡爲他。益損爲自。

無貪等者等無瞋癡此三名根生善勝故三不善根近對治故云何無貪於有有具無著爲性對治貪者作善爲業云何無瞋於苦苦具無恚爲性對治瞋恚作善爲業善心起時隨緣何境皆於有等無著無恚觀有等立非要緣彼如前慚愧觀善惡立故此二種俱遍善心云何無癡於諸理事明解爲性對治愚癡作善爲業

總釋頌言無貪等三種善根三不善根卽貪瞋癡以無貪等治貪等故初云何下四釋無貪體性業

用有卽二有謂欲有色有無色有此卽是果有具是因於三界中若因若果俱無貪著爲無貪性自性無貪對治貪著恒作善事爲無貪用次云何下五釋無瞋體性業用苦卽苦諦是果苦具卽因卽是集諦於苦集諦俱無瞋恚爲無瞋性自性無瞋對治瞋恚恒作善事爲無瞋用善心起時下釋上二種有俱起義於有等者卽是有及有具苦及苦具故言無著無恚觀有等立者唯以智觀非專境在以無貪時必有無瞋是故如前慚愧二法但觀善惡亦不在境以俱遍故後云何下六釋無癡體

性業用癡卽無明。迷暗事理今云無癡是無無明。卽能明解爲無癡性。自性無癡能治愚癡。恒作善事爲無癡用。

有義無癡卽慧爲性。集論說此報教證智決擇爲體。生得聞思修所生慧。如次皆是決擇性故。此雖卽慧爲顯善品有勝功能。如煩惱見故復別說。有義無癡非卽是慧。別有自性。正對無明。如無貪瞋。善根攝故。論說大悲無瞋。癡攝非根攝故。若彼無癡以慧爲性。大悲如力等。應慧等根攝。又若無癡無別自性。如不害等。應非實物。便違論說。十一善中三世俗有餘皆

是實然集論說慧爲體者。舉彼因果顯此自性。如以忍樂表信自體理。必應全以貪瞋。癡六識相應。正煩惱攝起惡勝故。立不善根斷彼必由通別對治。通唯善慧別卽三根。由此無癡必應別有。

初義偏執。謂此無癡依慧假立。集論下引證報卽所聞教。卽所思證。卽所修智。卽是慧。名能聞能思。能修。故云如次皆是決擇慧爲性。問旣卽是慧。何名無癡。答此雖卽慧於善品中屬三善根功能勝故。無癡唯善慧通善染。如煩惱見唯是染性。故復別開。次義正理。謂此無癡別有自性。正翻無明。是

善根攝復引論證非根攝者謂大悲非信等五根中慧根攝也。若執無癡以慧爲性。大悲如信等五力應名慧根攝。何名無瞋癡攝。根唯生善。力但拒惡。豈同大悲。又若下後以假實證之。三世俗者謂不放逸及彼行捨是依精進三根假立。不害一法。依無瞋假立無癡。若假應論中說四世俗有。然集論下釋前論意無癡以聞思修爲因。生慧爲果。明解爲性。如恐爲信因。欲爲信果。心淨爲性。理必應全。以貪瞋癡下復舉通別斷惑證此無癡必因別有。

勤謂精進於善惡品修斷事中。勇悍爲性。對治懈怠。滿善爲業。勇表勝進。簡諸染法。悍表精純。簡淨無記。卽顯精進唯善性攝。

七釋勤精進體性業用。勇表下釋上勇悍各有所簡。勇簡不善。悍簡無記。顯此精進唯是善性。此相差别略有五種。所謂被甲。加行。無下。無退。無足。卽經所說有勢有勤。有勇。堅猛。不捨善軛。如次應知。此五別者謂初發心自分勝進。自分行中。三品別故。五道別故。二乘究竟道欣大菩提故。諸佛究竟道樂。或初發心長時無間。般重無餘修差別故。或資糧等。

利樂他故。或二加行無間解脫勝進別故。

此以精進別開五種引經證論故云如次應知。被甲則護善遮惡故謂有勢。加行乃復修殷重故曰有勤。無下則趣操猛極故曰有勇。無退則直進不屈故曰堅猛。無足則智願有餘故曰不捨善軛。此五下釋上五種別者由自行中三品別故謂初發心直至究竟名自分勝進行於中有三品攝五種精進。或初下釋第一品節被甲有勢之義自發心來唯以菩提心爲因。值求正果未得斷惑及正利益故云長時無間等。或資糧等五道別故者釋第二品節無下有勇之義由有勇故遂從資糧經歷加行見道修道及究竟道差別門故。二乘下釋第三品節論說加行無退無足及經說有勤堅猛不捨善軛之義。二乘欣菩提是無退及堅猛義諸佛利樂他是無足及不捨善軛義或二者節上二乘諸佛二種也。此釋因位斷障別義故云加行等別者謂二乘根鈍漸斷障時必各別起無間解脫二道加行勝進二道或別或總菩薩根利漸斷障位非要別起無間解脫。利那利那能斷證故菩薩於加行等四道利那利那前後相望皆具具故。

安謂輕安遠離麤重調暢身心堪任爲性對治惛沉轉依爲業謂此伏除能障定法令所依止轉安適故入釋輕安體性業用調暢者身心俱安也以此身心堪可任受調暢義故謂此下釋輕安能伏惛沉障定之法令所依止身心適悅故

不放逸者精進三根於所斷修防修爲性對治放逸成溝一切世出世間善事爲業謂卽四法於斷修事皆能防修名不放逸非別有體無異相故於防惡事修善事中離四功能無別用故雖信慚等亦有此能而方彼四勢用微劣非根遍策故非此依

九釋不放逸體性業用精進一法及三善根於所斷惡防令不起於所修善修令增長是不放逸性自不放逸能治放逸成溝諸善是此業用謂卽四法下釋不放逸卽四功能非別有體於防下釋上防修卽四功能離四功能無防修用設問云餘信慚等亦有此能何獨彼四故答云雖信慚等各有功能而方彼四非同三善根非精進遍策故非不放逸之所依也

豈不防修是此相用防修何異精進三根彼要待此方有作用此應復待餘便有無窮失勤唯遍策根但

80 1 2 3 4 5 6 7 8 9 100 1 2 3 4 5 6 7 8 9 100

爲依如何說彼有防修用汝防修用其相云何若普
依持卽無貪等若遍策錄不異精進止惡進善卽總
四法令不散亂應是等待令同取境與觸何別令不
忘失卽應是念如是推尋不放逸用離無貪等竟不
可得故不放逸定無別體

豈不防修是此相用者外人問謂防修是不放逸
之相用執不放逸各別有體防修何異下論主質
謂上防修卽前四法何勞別說彼上四法決定要
待此不放逸方有作用此不放逸待餘慚等有無
窮失以彼非根非遍策故勤唯下外人難謂勤唯

策進善法三根但善所依何有防修用汝防修用
其相云何者論王反詰若普下一一難破普者遍
也汝謂根但爲依若偏依持又卽無貪等三根何
別有體錄者收也若收於遍策不異精進亦何別
有若防修用止惡進善卽總四法何勞別說若防
修用具上等持觸念三義應屬偏行別境大地法
故何唯善位等待卽定也如是下結破外辯顯不
放逸依四假立

云何行捨精進三根令心平等正直無功用住爲性
對治掉舉靜住爲業謂卽四法令心遠離掉舉等障

卷第
靜住名捨。平等正直無功用住。初中後位辨捨差別。
由不放逸先除雜染。捨復令心寂靜而住。此無別體。
如不放逸離彼四法無相用故。能令寂靜卽四法故。
所令寂靜卽心等故。

十釋行捨體性業用。言行捨者不居功也。此行蘊
捨非受蘊捨以捨受唯無記行捨是善性。是故揀
之。平等爲初。離沉掉故。正直爲次。於染不怯故。無
功用住爲後。卽寂靜住亦曰無動安住。自能靜住。
能治掉舉是彼業用。謂卽四法下重釋體用四法。
卽精進三根令心遠離等名行。卽前不放逸靜住。

名捨卽此位本名故。言行捨令心以前行捨故。平
等正直下辨捨三位差別。復自釋云。由不放逸先
除雜染。此卽令心離沉掉也。捨復令心寂靜而住。
卽靜住名捨。此無別體。下釋成無體依四假立。能
令下復以能所顯四法爲實。有行捨爲假立。

云何不害。於諸有情不爲損惱。無瞋爲性能對治害。
恚慾爲業。謂卽無瞋於有情所不爲損惱。假名不害。
無瞋翻對斷物命瞋不害。正違損惱物害。無瞋與樂。
不害拔苦。是謂此二麤相。差別理實。無瞋實有自體。
不害依彼。一分假立爲顯慈悲。二相別故。利樂有情。

80 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9

彼二勝故。有說不害非卽無瞋別有自體謂賢善性此相云何謂不損惱無瞋亦尔。寧別有性謂於有情不爲損惱慈悲賢善是無瞋故。

十一釋不害體性業用於他不損惱能拔苦也。於已不生瞋大悲心也。謂卽下釋不害卽上無瞋以無自體依彼假立無瞋不害。二義別者謂彼無瞋翻對根本六中瞋故能與樂卽是慈義。今此不害正違小隨中害故能拔苦卽是悲義。據此二義麤相有別理實無瞋有體不害假立間旣同一體。何又別立答爲顯慈悲二義別故。利樂有情慈悲勝翻對根本六中瞋故能與樂卽是慈義。今此不害正違小隨中害故能拔苦卽是悲義。據此二義麤相有別理實無瞋有體不害假立間旣同一體。何又別立答爲顯慈悲二義別故。利樂有情慈悲勝

故有說下外人執辨不害實有非是假立論王詰云此相云何外人答謂不損惱論王責云卽是無瞋寧有別性謂於下釋於諸有情不爲損惱卽是慈悲賢善性故。○一正釋心所竟下二釋及字義及顯十一義別心所謂欣厭等善心所法雖義有別說種種名而體無異故不別立欣謂欲俱無瞋一分於所欣境不憎恚故不忿恨惱嫉等亦然隨應正翻瞋一分故厭謂慧俱無貪一分於所厭境不染著故不慳惓等當知亦然隨應正翻貪一分故不覆誑詭無貪癡一分隨應正翻貪癡一分故。

頌云行捨及不害以此及字顯十一義外別有心所。謂欣厭等善心所法。十一義者皆染心所正翻。中間猶無攝者如不忿等頌中及字正顯此義。欣謂欲俱者簡非邪欲故依無瞋善根一分假立。以所欣境不憎恚故不忿不恨不惱不嫉亦依無瞋假立。以小隨中忿恨惱嫉依瞋假立。故論中說小十大三是假非實厭謂慧俱者簡非惡慧故依無貪善根一分假立以所厭境不染著故不慳不憍等亦依無貪皆正翻染貪一分故不覆不誑不詣。三是無貪無癡俱分皆正翻染貪癡分故。

有義不覆唯無癡一分無處說覆亦貪一分故有義不慢信一分攝謂若信彼不慢彼故有義不慢捨一分攝心平等者不高慢故有義不慢慚一分攝若尊重彼不慢彼故有義不疑卽信所攝謂若信彼無猶豫故有義不疑卽正勝解以決定者無猶豫故有義不疑卽正慧攝以正見者無猶豫故不散亂體卽正定攝正見正知俱善慧攝不忘念者卽是正念悔眠尋伺通染不染如觸欲等無別攝對。

有義不覆唯無癡者義猶未正下文說覆貪癡一分恐失利譽覆自罪故今說不覆唯無癡者不合

下文染淨相翻義無異故三義釋不慢三義釋不
 疑俱順正理不敢亂下四善心所攝入別境定慧
 念三淨一分故悔眠尋伺四種心所如觸等五及
 欲等五通善不善無別翻對若唯善染有翻對義
 何緣諸染所翻善中有別建立有不尅者相用別者
 便別立之餘善不然故不應責又諸染法徧六識者
 勝故翻之別立善法慢等忿等唯意識俱害雖亦然
 而數現起損惱他故障無上乘勝因悲故爲了知彼
 增上過失翻立不害失念散亂及不正知攝入別境
 善中不說染淨相翻淨寧少染淨勝染劣少敵多故

又解理通說多同體迷情事局隨相分多故於染淨
 不應齊責

何緣下是問詞原天親於瑜伽六百六十法中提
 綱挈領唯取百法以該之故此論中翻染成淨唯
 立十一善心所法餘欣厭等不別建立因發此問
 論王答云信等十一相用各別故別立名餘欣厭
 等善根等攝相用無別故不別立又諸下釋上建
 立不建立義諸染法者謂根本位貪瞋癡中隨位
 無慚無愧大隨位不信懈怠惛沈掉舉放逸此十
 遍前六識勝故翻之別立善法慢等見疑忿等恨

覆惱嫉慳憍詎詣此十二法唯意識俱故不別立設問云害亦唯意識何翻名不害故釋云害雖亦然等勝因悲者謂修無上乘者以大悲爲勝因又以不害爲悲苦失念等三攝入別境者卽前所說正念正定及正慧三攝入彼中淨一分義染淨相翻淨寧少染者問也淨勝染劣下論主答爲有勝劣故少敵多解理通者善心所也故勝迷事局者染心所也故劣○二釋及字義竟下三分屬諸門有九章

此十一法三是假有謂不放逸捨及不害義如前說

餘八實有相用別故

一假實門如前說者前謂不放逸行捨依四法立不害依無瞋立餘八實有體相別故

有義十一四徧善心精進三根遍善品故餘七不定推尋事理未決定時不生信故慚愧同類依處各別隨起一時第二無故要世間道斷煩惱時有輕安故不放逸捨無漏道時方得起故悲愍有情時乃有不害故論說十六位中起謂決定位有信相應止息染時有慚愧起顧自他故於善品位有精進三根世間道時有輕安起於出世道有捨不放逸攝衆生時

有不害故。

二遍與不遍門。其理未正。慚愧同類者牒自類俱起義。依處各別下執者辨詞謂能依是慚愧所依處是境有善惡別緣善境時唯生崇重但有慚義無第二愧緣惡亦然故云不遍餘義如文俱顯不遍論說下謂瑜伽云善法依處有幾種答略說有六一決定時二止息時三作業時四世間道時五出世清淨時六攝受衆生時問如是諸法互相應義云何應知答於決定時有信相應止息染時有慚與愧顧自他故善品業轉時有無貪無瞋無癡精進世間道離欲時有輕安出世道離欲時有不放逸及捨攝受衆生時有不害此是悲所攝故執者引此以證遍不遍義六位中起者一謂決定方有信起二謂止染方有慚愧顧自他故已上二位證三心所是不遍義三善品位證精進等四法徧善心故四世間道方有輕安五出世道方有行捨及不放逸六攝衆生時方有不害故已上三位證四心所是不遍義

有義彼說未爲應理推尋事理未決定心信若不生應非是善如染心等無淨信故慚愧異類依別境同

俱遍善心前已說故。若出世道輕安不生應此覺支
非無漏故。若世間道無捨不放逸。應非寂靜防惡修
善故。又應不伏掉放逸故有漏善心既具四法如出
世道應有二故。善心起時皆不損物違能損法有不
害故。論說六位起十一者依彼彼增作此此說故彼
所說定非應理。

有義下論主總非謂推事理未決定心原非善心
是染心故與疑相應淨信自無何執以爲信不偏
也。慚依自法愧依世間故名依別隨緣何境一法
俱起是名境同。俱遍善心前已說故何名不遍。彼

執世間斷煩惱時有輕安故。出世無有此破云輕
安覺支是無漏道。若出世道輕安不生豈世間道
反得無漏。彼執不放逸捨無漏道時方得起故世
間道無此破云掉舉放逸在世間道起若無行捨
誰伏掉舉無不放逸誰伏放逸有漏善心既具能
顯精進三根如出世道應有所顯不放逸捨何執
世間道無不放逸捨彼執菩薩悲愍有情方有不
害餘時無故此破云然能損法節是害義凡善心
起皆不損物與害相違有不害故何執餘時必無
不害論說下釋彼引論證義彼彼增者六位也。此

此說者心所也。各隨義勝分六位故。故彼所說四
徧善心餘七不定定非應理。

應說信等十一法中十遍善心輕安不遍要在定位
方有輕安。調暢身心餘位無故。決擇分說十善心所
定不定地皆遍善心。定地心中增輕安故。有義定加
行亦得定地名。彼亦微有調暢義故。由斯欲界亦有
輕安。不尅便違本地分說信等十一通一切地。

應說下論王自立遍與不遍正義如文應知。決擇
下引證輕安不遍餘位唯定地有。有義下未正謂
學修定加行功用得定地名。微有調暢是輕安義。

復引瑜伽本地分說證此欲界有輕安故。

有義輕安唯在定有。由定滋養有調暢故論說欲界
諸心心所由闕輕安名不定地說一切地有十一者
通有尋伺等三地皆有故。

此義正理謂此輕安唯在定地有資養義復引論
說破執欲界亦有輕安說一切下釋本地分中義
有尋伺等三地者謂初靜慮末入定時名有尋有
伺地已入定時名無尋唯伺地二禪已上共有七
地總名無尋無伺地論言一切地者唯說有尋伺
等三地不說五趣雜居地故知欲界無有輕安。

此十一種前已具說第七八識隨位有無第六識中定位皆俱。若非定位唯闕輕安。有義五識唯有十種自性散動無輕安故有義五識亦有輕安定所引善者亦有調暢故成所作智俱必有輕安故。

三八識門隨位有無者七八二識因位無故轉依位中二識皆具第六意識若在定位十一皆具餘無輕安有義五識無輕安者未正有義有輕安者正理定所引善者謂由定心引善五識亦有調暢轉依位中與智相應必有輕安。

此善十一何受相應十五相應一除憂苦有逼迫受無調暢故此與別境皆得相應信等欲等不相違故十一唯善輕安非欲餘通三界皆學等三非見所斷瑜伽論說信等六根唯修所斷非見所斷餘門分別如理應思。

四五受門此善下問也答中謂十善法五受相應輕安一法除憂苦受以有逼迫無輕安故此與下第五別境門信等唯善性別境通善染以有善性亦不相違十一唯善者是第六三性門於三性中唯善性故輕安非欲餘通三界者第七三界門唯一輕安非欲界故餘十善法三界皆通皆學等三

者第八三學門。一有學。二無學。三非有無。十一皆具同善性故。非見下第九見修門。謂十一善非見所斷。是修所斷。言六根者。卽信等五根。未知當知根也。瑜伽云。信等六根。唯修所斷。已知具知二根。非所斷故。餘門下結顯。餘門分別如理。詞不復現。

○三分屬諸門竟。通上二善位竟。下三根惑位分

三、一結前標問。

如是已說善位心所。煩惱心所其相云何。

煩惱如稠林故。有根本枝葉之說。而立爲根。隨二位煩惱。以有根故。隨生枝葉。根有六種。或開爲十。

隨有二十更分爲三。根之六者。一貪。二瞋。三癡。四慢。五疑。此名五鉢使也。第六惡見。若開此一。又有五名。一身見。二邊見。三邪見。四見取。五戒禁取。此名五利使也。前名鉢者。於所緣境。頑嚚無決。故此名利者。於所緣境。果決割斷故。十皆名使者。爲心王之所使。故名心所使。隨惑分三。下文自釋。已上根隨擾。惱心王不自在故。得煩惱名。欲廣解釋。煩惱行相結前善位已說。復問煩惱心所其相云何。

○一結前標問竟。下二舉頌總答。

頌曰

煩惱謂貪瞋

癡慢疑惡見

80 1 2 3 4 5 6 7 8 9 100 1 2 3 4 5 6 7 8 9

頌根本煩惱六種名總答問意論中一一別釋其義○二舉頌總答竟下三解釋頌意分二。一正釋心所分二。一五鈍使

論曰此貪等六性是根本煩惱攝故得煩惱名云何爲貪於有有具染著爲性能障無貪生苦爲業謂由愛力取蘊生故云何爲瞋於苦苦具憎恚爲性能障無瞋不安隱性惡行所依爲業謂瞋必令身心熱惱起諸惡業不善性故云何爲癡於諸理事迷闇爲性能障無癡一切雜染所依爲業謂由無明起疑邪見貪等煩惱隨煩惱業能招後生雜染法故

論曰下總釋六種心所共得煩惱爲名以彼俱是根本義故初云何下釋貪所體性業用。有有具者善位已釋謂由愛力取蘊生故者釋上生苦義。愛即是貪。取蘊是苦由有貪故生苦爲業。又取蘊者執取五蘊而爲我故次云何下釋瞋所體性業用苦及苦具善位已釋身心熱惱釋不安隱起諸惡業釋惡行所依後云何下釋癡所體性業用。癡即無明。不因境起名獨頭無明多迷諦理是分別義。因境起者名相應無明。任運迷事是俱生義由迷闇故故名爲癡。謂由下釋上雜染所依疑惑及邪見

根隨煩惱總顯俱生分別。一切染法皆依無明。以此無明遍諸染故。

云何爲慢。恃已於他高舉爲性能障。不慢生苦爲業。謂若有慢於德有德心不謙下。由此生死輪轉無窮受諸苦故。此慢差別有七九種。謂於三品我德處生。一切皆通見修所斷聖位我慢既得現行慢類由斯起亦無失。

釋慢心所體性業用。謂若下釋上生苦。謂有慢者於諸無德及有德人俱不謙下。人我相陵集業輪轉衆苦從生。七慢者謂單過慢增邪我卑爲七種。

單慢者於劣計已勝於等計已等稱境爲單。不敬爲慢理雖相等將已評他故爲慢也。過慢者於勝計已等於等計已勝。單加二等名慢過慢。增上慢者於勝計已勝。單加二等名慢過慢。增上慢者於他劣等勝三計已展轉得增上故邪慢者於已無德妄計有德於他有德言彼非德我慢者於自執我稱量高舉陵蔑他故卑劣慢者於他多勝計已少劣情雖似謙不敬彼故故名爲慢。九種慢者謂我德處各有三品故爲九種。一於我勝等劣二有我勝等劣三無我勝等劣勝謂強勝我勝彼故等。

謂齊等等於他故劣謂單劣我劣彼故我既如此德處亦然我卽所執之我德卽所修之德處卽受用處所已上七慢九種一切皆通見修所斷聖位下結顯我慢凡聖皆具於一切時不可不察然於聖位起亦無失以菩薩乘利生爲本故於敬慢起必有爲爲隨所宜運大悲故故不爲失言慢類者將我德處有無及勝等劣類前七種有三一於勝等劣各計我勝等劣二於勝等劣各計有勝等劣三於勝等劣各計無勝等劣今一計我者於勝計我勝是慢過慢類於勝計我等是過慢類於勝計我劣單慢類此從他勝計我也於等計我勝過慢類於等計我等單慢類於等計我劣單慢類此從他等計我也於劣計我勝單慢類於劣計我等於劣計我劣俱是卑慢類此從他劣計我也二計有者於勝計有勝慢過慢類於勝計有等過慢類於勝計有劣單慢類此從彼勝計有也於等計有勝過慢類於等計有等單慢類於等計有劣單慢類此從彼等計有也於劣計有勝單慢類於劣計有等於劣計有劣俱是卑慢類此從彼劣計有也三計無者於勝計無勝於勝計無等俱是單慢類於

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

勝計無劣言無劣者非勝卽等故有二類於勝計
等是過慢類於勝計勝慢過慢類此從他勝計無
也於等計無勝。單慢類於等計無等亦有二類言
無等者非勝卽劣於等計勝是過慢類於等計劣。
是卑慢類於等計無劣亦有二類言無劣者非勝
卽等於等計勝是過慢類於等計等是單慢類此
從他等計無也於劣計無勝是卑慢類於劣計無
等亦有二類言無等者非勝卽劣於劣計勝。單慢
類於劣計劣是卑慢類於劣計無劣亦有二類言
無劣者非勝卽等於劣計勝。單慢類於劣計等。卑

慢類此從他劣計無也。

云何爲疑於諸諦理猶豫爲性能障不疑善品爲業
謂猶豫者善不生故有義此疑以慧爲體猶豫簡擇
說爲疑故毘助末底是疑義故末底般若義無異故
釋疑心所體性業用不疑卽餘善心所以有疑故
障善品中不疑爲業何障善品謂猶豫者善不生
故有義下執疑無體依慧假立猶豫是疑簡擇是
慧謂正疑時有慧簡擇故說爲體毘者益也益助
於慧。梵語末底秦言慧故名簡擇此引梵語證慧
爲體般若云智亦是例同。

有義此疑別有自體。令慧不決。非卽慧故瑜伽論說六煩惱中見世俗有卽慧分故。餘是實有別有性故。毘助末底執慧爲疑。毘助若南智應爲識界。由助力義便轉變。是故此疑非慧爲體。

此義正理謂疑有體令慧不決復引論證六根本中惡見是假卽慧爲體餘貪瞋癡慢疑五所俱實有故何偏執疑以慧爲體。毘助末底下論王例難梵語若南若字音悉秦言智謂若執慧爲疑亦可智爲識界。由助力義便轉變者反顯義無轉變界是因義謂由識助智因義轉疑慧亦然。是故此疑

非慧爲體以顯慧不轉變爲疑也。○一五鉢使竟下二五一利使

云何惡見於諸諦理顛倒推求染慧爲性能障善見招苦爲業。謂惡見者多受苦故。此見行相差别有五一薩迦耶見。謂於五取蘊執我我所一切見趣所依爲業。此見差別有二十句六十五等分別起攝。

此釋惡見體性業用顛倒推求染慧爲性名五利使。故業惡見用也。此惡見分爲五者以彼業用各別有故皆於諦理顛倒推求染慧爲性名五利使。故此五見體性是同業用各別薩迦耶見此云身見

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

執身爲我故餘見皆依五蘊身起故云一切見趣所依爲業此見差別下明身見有差別義二十句者如計色是我我有色色屬我我在色一蘊有四五蘊合二十句六十五者如計色爲我於餘四蘊各有三我所謂我瓔珞我童僕我器卽有十一色爲一我合有十三五蘊總有六十我所五箇我見共成六十五數。

二邊執見謂卽於彼隨執斷常障處中行出離爲業此見差別諸見趣中有執前際四端常論一分常論及計後際有想十六無想俱非各有八論七斷滅論等分別趣攝。

謂此邊見卽於身見執斷常自執斷常不能出離卽障所修出離中行爲此業用此見下明邊見差別謂諸外道總六十二皆從五見差別妄計清涼大師云此六十二以邊見邪見爲自體見取戒取爲眷屬依於身見爲根本故名差別諸見趣也有執前際四端常者一觀心境二觀四大三觀八識四觀陰理總計爲常以生滅想心已滅理中自然成不生滅一分常論者亦有四種一觀心對衆生生滅二觀境見壞不壞三觀我心對身生滅四

80 1 2 3 4 5 6 7 8 9 100 1 2 3 4 5 6 7 8 9 100

觀四陰前滅今常各計一分常一分無常及計後際有想十六者計色是我等四相四蘊合說有十六相此計畢竟煩惱乃至各不相觸等無想俱非各有入論者謂無想有八論計死後無想通觀四陰現在因亡未來果滅因果合論故有八相俱非有入論者謂色受想中見有非有行遷流處觀無不無四陰合說各有有非有各有無非無名八俱非七斷滅者欲界人天二處色界四禪無色界總爲一處觀此七處現前銷滅死後無復計爲斷滅三邪見謂謗因果作用實事及非四見諸餘邪執如

增上緣名義遍故此見差別諸見趣中有執前際二無因論四有邊等不死矯亂及計後際五現涅槃或計自在世主釋梵及餘物類常恒不易或計自在等是一切物因或有橫計諸邪解脫或有妄執非道爲道諸如是等皆邪見攝

謂邪見者撥無因果及四見外諸餘邪執皆是此義如增上緣名義遍故餘緣不攝者皆此緣攝以喻四見不攝者皆邪見攝此見下明邪見有差別三無因者觀入萬劫前無因自有爲本無因劫中性非遷改爲未無因四有邊等者一觀三世以現

在爲有邊去來爲無邊。二觀見聞以見聞處爲有邊。非見聞處爲無邊。三觀徧知其知無涯爲無邊。其境有極爲有邊。四觀一身中生滅以一身爲有邊。生滅爲無邊。不死矯亂者亦有四種。一觀變化元分爲八義。謂變、恒、生、滅、增、減、有、無。故答前人云亦生亦滅等。二觀心無唯答一無字。三觀心有。唯答一是字。四有無俱觀。故答前人云亦有卽是亦無。亦無之中不是亦有一切矯亂無容窮詰。顯不錯答得生不死天也。五涅槃者欲界及四禪。計此五處安隱爲勝淨依。立爲涅槃或計下自在卽欲皆邪見攝。

界頂天世主釋梵者。釋卽帝釋乃欲界天主。梵卽大梵乃大千界主。故總名世主。彼計此天及餘物類其體實常而不變易。或計自在等是一切物因。此卽計彼實常能生諸法。或有橫計諸邪解脫者妄執爲果也。非道爲道者妄執爲因也。諸如是等皆邪見攝。

四見取謂於諸見及所依蘊執爲最勝能得清淨。一切闡諍所依爲業。五戒禁取謂於隨順諸見戒禁及所依蘊執爲最勝能得清淨。無利勤苦所依爲業。然有處說執爲最勝名爲見取。執能得淨名戒取者。是

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

影略說或隨轉門不尅如何非滅計滅非道計道說爲邪見非二取攝。

見取者取他見義爲自見也諸見卽前三見謂此見取執彼三見及彼所依五取蘊身皆爲最勝能得能證清淨涅槃由執取故各各爭執故云一切闡諍所依爲業戒禁取者取他執行爲自戒也諸見同前由此戒故一切外道受持拔髮塗灰等苦故云無利勤苦所依爲業然有下釋餘處執義差別謂執最勝者是非果計果名爲見取孰能得淨者是非因計因名爲戒取論主釋云是影略說或

隨轉門謂說最勝影略清淨說清淨時影略最勝理實因果二義皆具不尅下謂若不是影略謂爲因果別計者應說是邪見非是二取攝以邪見者因果別故○二五利使竟通上一正釋心所竟下二分屬諸門有十章。

如是總別十煩惱中六通俱生及分別起任運思察俱得生故疑後三見唯分別起要由惡友及邪教力自審思察方得生故。

十一俱生分別門言總別者總卽六根本別開十煩惱以一惡見開爲五故六通俱生及分別者貪瞋

癡慢身見。邊見也。任運釋俱生。思察釋分別。二義皆具。故云俱得生。故疑後三見者卽邪見。二取爲三見也。四唯分別無俱生義。惡友邪教外緣也。自審思察內因也。內因外緣方得生故。

邊執見中通俱生者有義唯斷。常見相麤惡友等力。方引生故。瑜伽等說何邊執見是俱生耶。謂斷見攝學現觀者起如是怖。今者我我何所在耶。故禽獸等若遇違緣皆恐我斷而起驚怖。

此義未正。謂俱生邊見唯斷非常。常見分別無俱生義。瑜伽下引證何邊執見是俱生者是彼論問斷亦證俱生唯是斷見。

有義彼論依麤相說。理實俱生亦通常見。謂禽獸等執我常存熾然造集長時資具。故顯揚等諸論皆說於五取蘊執斷計常或是俱生或分別起。

此義正理。謂此俱生亦通常見。復引禽獸爲俱生。常見之證構巢安處就穴積糧意在常存。豈非俱

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

生亦有常見。復引諸論證俱生分別皆執斷執常。何執俱生唯斷見攝。

此十煩惱誰幾相應。貪與瞋疑定不俱起。愛憎二境必不同。故於境不決無染著。故貪與慢見或得相應。所愛所陵境非一。故說不俱起。所染所恃境可同。故說得相應。於五見境皆可愛。故貪與五見相應無失。二更互相應門分爲六節。一辨貪與諸所相應。除癡在最後第六節論。愛憎二境必不同者。釋貪與瞋不俱起也。以愛釋貪。憎釋瞋。故於境不決無染著者。釋貪與疑不俱起。故不決釋疑。貪即是染。或食於五見相應亦無失。

瞋與慢疑或得俱起。所瞋所恃境非一。故說不相應。所蔑所憎境可同。故說得俱起。初猶豫時未憎彼。故說不俱起。又思不決便噴發。故說得相應。疑順違事。隨應亦尔。瞋與二取必不相應。執爲勝道。不憎彼。故說不相應。於有苦蘊起身常見。生憎恚故說得俱起。此與三見或得相應。於有樂蘊起身常見。不生憎故說不相應。於有苦蘊起身常見。生憎恚故說得俱起。

斷見翻此說瞋有無邪見誹撥惡事好事如次說瞋或無或有。

二辯瞋與諸所相應除貪瞋或得俱起者亦有不俱義所瞋於境疎所恃於境親故瞋與慢說不相應慢於所蔑瞋於所憎二境俱疎故得俱起疑初猶豫瞋未憎彼故說瞋疑無俱起義疑久不決瞋便發憤故瞋與疑說得相應疑順無瞋說不相應疑違憤發說得俱起故云隨應亦尔。二取愛執無憎彼義瞋與二取故不相應此與三見者此字卽瞋三見卽身邊邪於有樂下釋邊常見不與瞋起

於有苦下釋邊常見與瞋相應斷見翻此說瞋有無者翻苦樂蘊也苦蘊起斷見無瞋相應樂蘊起斷見有瞋俱起邊見起斷常必依五蘊身是故身見影略不說邪見下釋邪與瞋或有或無誹撥惡事瞋不相應誹撥好事與瞋俱起

慢於境定疑則不然故慢與疑無相應義慢與五見皆容俱起行相展轉不相違故然與斷見必不俱生執我斷時無陵恃故與身邪見一分亦尔。

三辯慢與諸所相應除貪瞋痴於境定者陵蔑不移疑不然者猶豫改轉故不相應五見執取於境

不移。是故展轉與慢相應。然與斷見不俱生者。執我斷時慢無陵恃。慢與身見一分亦尔者。斷從身起。名身一分慢與邪見一分亦尔者。一無因等邪見所攝邪見一分。故身邪見各有一分與慢不俱餘皆俱起。

疑不審決與見相違。故疑與見定不俱起。

四辯疑唯與五見相應。除前貪瞋癡慢。今云不俱起者。疑無審決見不猶豫相應自無。

五見展轉必不相應。非一心中有多慧故。

五辯五見目類展轉除前貪瞋癡慢。疑不相應者

五見共慧爲性。故云無一心中有多慧故。

癡與九種皆定相應。諸煩惱生必由癡故。

六辯癡與貪等皆相應者。以此無明遍諸染故。

此十煩惱何識相應。藏識全無。末那有四。意識具十。

五識唯三。謂貪瞋癡無分別故。由稱量等起慢等故。

三八識門藏識無者。白淨無記無善染故。末那四

識唯三者。彼貪瞋癡無分別故。問五識何無慢等。

答由稱量等起慢等故。稱量等於猶豫推求慢等。

疑及五見謂慢由稱量起。疑由猶豫起。五見推求

起故彼慢疑及與五見是有分別。非五識俱。此十煩惱何受相應。貪瞋癡三俱生分別。一切客與五受相應。貪會違緣憂苦俱。故瞋遇順境喜樂俱。故四五受門有五節。一辨三根與五受相應。不簡俱生分別俱相應故。問貪與欲俱何通憂苦。瞋常憎恚何通喜樂。答貪會違緣憂苦。瞋遇順境喜樂。有義俱生分別起慢客與非苦四受相應。恃苦劣蘊憂相應故。有義俱生亦苦俱起意有苦受前已說故。分別慢等純苦趣無彼無邪師邪教等故。然彼不造引惡趣業要分別起能發彼故。

二辯慢與五受相應初義除苦於俱生慢猶未盡理。問慢既除苦性又高舉何得憂俱答恃苦劣蘊憂相應故後義正理謂俱生慢亦苦俱起意既有苦應相應故又分別慢純苦趣無意顯雜受亦苦相應謂純苦處無邪師教分別自無然彼純苦唯屬俱生故不更造引惡趣業以能造之思唯是意識分別所起故曰要分別起能發彼故。疑後三見容四受俱欲疑無苦等亦喜受俱故。二取若緣憂俱見等爾時得與憂相應故。

三辯疑及邪見二取與四受相應唯除苦受問疑

與欲俱宜無憂苦。何唯除苦。答欲疑無苦等。亦喜受俱故。猶豫不決。展轉生憂。故唯除苦。又問云。取執爲勝淨。何得有憂。故答云。二取等。

有義俱生。身邊二見。但與喜樂捨受相應。非五識俱。唯無記故。分別二見容四受俱。執苦俱蘊爲我。我所常斷見翻此與憂相應故。有義二見若俱生者亦苦受俱。純受苦處緣極苦蘊。苦相應故。論說俱生。一切煩惱皆於三受現行可得。廣說如前。餘如前說。此依實義。

四辯身邊二見與五受相應初義未正謂身邊見

若俱生者。但與喜樂捨受相應。不同五識。唯無記性不通喜受。若分別者。容四受俱。唯除苦受問既除苦受。何又憂俱。答執苦俱蘊爲我。我所者。釋身邊見與憂俱。常斷見翻此與憂相應者。釋邊見與憂俱。謂常於苦蘊憂。斷於樂蘊亦憂。故言翻此者。翻苦樂蘊也。後義正理。謂身邊見若俱生者。亦苦受俱。意顯分別。唯除苦受。純受下釋俱生見與苦相應。以純苦處唯俱生故。復引論證之。餘如下。結前實義。

隨麤相者。貪慢四見樂喜捨俱。瞋唯苦憂捨受俱起。

癡與五受皆得相應。邪見及疑四俱除苦。貪癡俱樂通下四地餘七俱樂。除欲通三。疑獨行癡欲唯憂捨餘受俱起。如理應知。

五總十煩惱與五受隨麤相配釋。卽前論中執義及註文中設問之意。隨世流轉故云。麤相。貪慢四見者身邊二取爲四見。此六煩惱樂喜捨俱無憂苦故。瞋唯苦憂捨三受俱起。無喜樂故。癡與五受相應邪見及疑四俱除苦。已上名隨麤相說。貪癡俱下釋煩惱相應樂受所通界地。貪癡俱樂屬俱生故通下四地者。欲界五趣雜居地及色界三禪。

爲四地以九地中四居下故不通上地者。上無樂故餘七俱樂者五見慢疑名爲餘七不說瞋者瞋無樂故除欲通三者唯除欲界通上三禪以分別起樂最下地無故又疑心所獨行無明於欲界中唯憂捨俱餘受界地煩惱俱起。如理應知。

此與別境幾互相應貪瞋癡慢容五俱起專注一境得有定故。疑及五見各容四俱。疑除勝解不決定故見非慧俱不異慧故。

五別境門謂貪等四與別境五俱。問煩惱何得有定。答專注一境皆有定故。疑及五見各容四俱者。

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

疑多猶豫故無勝解見卽是慧理無重出

此十煩惱何性所攝瞋唯不善損自他故餘九通二上二界者唯無記攝定所伏故若欲界繫分別起者唯不善攝發惡行故若是俱生發惡行者亦不善攝損自他故餘無記攝細不障善非極損惱自他處故當知俱生身邊二見唯無記攝不發惡業雖數現起不障善故

六三性門謂十煩惱瞋唯不善餘九亦通有覆無記故云通二又色無色二界煩惱定力所伏唯無記性若欲界中十種煩惱分別起者是不善性若俱生者能發惡行亦不善性以不善者損自他故餘無記攝細不障善者亦是無記非極損惱自他者不發惡行故當知下意在破前五受章中執義彼執俱生身邊二見但與喜樂捨受相應非五識俱唯無記故故此破之顯是無記

此十煩惱何界繫耶瞋唯在欲餘通三界生在下地未離下染上地煩惱不現在前要得彼地根本定者彼地煩惱容現前故諸有漏道雖不能伏分別起惑及細俱生而能伏除俱生麤惑漸次證得上根本定彼但迷事依外門轉散亂麤動正障定故得彼定已

彼地分別俱生諸惑皆容現前生在上地下地諸惑
分別俱生皆容現起生第四定中有中者由謗解脫
生地獄故身在上地將生下時起下潤生俱生愛故
而言生上不起下者依多分說或隨轉門

七三界門謂瞋唯在欲餘九通三界者總答界繫
居義生下起上者未離下染上地煩惱不得現前
得上地定容現前故問三界煩惱爲同爲異答雖
諸煩惱皆徧三界而隨界繫各有所屬如上無瞋
又無不善以諸煩惱雖名不善唯欲界有若至上
地定力所伏轉名無記不名不善又上地中於五
受根唯喜樂捨無憂苦故故不行瞋問何離下染
上地煩惱現前答修上定故問何要修上定答論
說欲界諸心心所由闕輕安名不定地下既無定
不能離染故修上定能斷下染上地煩惱又得現
前諸有漏下釋得彼地根本定義第七俱生說名
爲細有漏難斷唯伏第六俱生麤惑漸次可證上
根本定彼但下釋斷麤惑唯任運起故但迷事事
依外門故名散動由散動故正障於定得彼下釋
成得定煩惱方現生上起下煩惱者上地定心本
澄靜故於下煩惱皆容現起定心如水渾則容貌

汨然淨則塵滓自現。第四定者第四禪也。彼中有無想天。彼天中人天報已盡離脫天形。現中有身由出定時。謗阿羅漢當下地獄。故將下時於中有中起下潤生俱生貪故。此皆上地起下之類。而言下地煩惱亦緣上地。瑜伽等說欲界繫貪求上地生味上定故。既說瞋恚憎嫉滅道。亦應憎嫉離欲地故。總緣諸行執我我所斷常慢者得緣上故。餘五緣上其理極成而有處言貪嗔慢等不緣上者依麤相說或依別緣。不見世間執他地法爲我等故。邊見必依彼依多分。或別緣說。

此明下緣上地。瑜伽下引證貪緣上地。既說下以理推證嗔亦緣上。上二界地俱名離欲。總緣諸行下。謂下身見總緣上地。身器等行執我我所。或斷或常及起我慢。故身邊慢亦得緣上。餘五緣上其理極成者謂貪等五所。既得緣上。其餘疑及無明邪見二取。亦得緣上有言貪等不緣上者。依麤相

說或依別義意顯理實俱得緣上不見下他地法爲我等者謂緣他相也邊見必依身見起者謂依他起也俱例下緣上地說生上者下引證慢亦緣下總緣諸行下諸行同前亦謂身邊二見及貪煩惱得緣下故疑後三見如理應思者總收四種亦得緣下不言瞋者上無瞋故不言癡者已偏染故而說下釋他處依多分說亦顯少分得緣下故此十煩惱學等何攝非學無學彼唯善故

八三學門學與無學是善性煩惱不善故不相攝此十煩惱何所斷耶非非所斷彼非染故分別起者

唯見所斷麤易斷故若俱生者唯修所斷細難斷故見所斷十實俱頃斷以真見道總緣諦故

九三斷門謂三斷中非是非所斷攝以非所斷是出世道及後得智并無爲法俱非染故意顯是見修所斷此十煩惱四唯分別六無俱生故分見修二種所斷又分別者地前已伏得真見道種現俱盡故麤易斷若俱生者前七地中猶間現起入地方伏等覺方盡故細難斷見所斷十由得真智總緣四諦一斷永斷

然迷諦相有總有別總謂十種皆迷四諦苦集是彼

因依處故滅道是彼怖畏處故別謂別迷四諦相起二唯迷苦八通迷四。

此明迷諦總別。總迷唯見所斷以真見道總緣諦故別迷兼修所斷或細難斷修方斷故苦集二諦世間因果此十煩惱不離世間故名因依滅道二諦出世因果修道證滅必斷煩惱故云怖畏云何別迷二唯迷苦八通迷四此中總標下別釋相身邊二見唯果處起別空非我屬苦諦故謂疑三見親迷苦理二取執彼三見戒禁及所依蘊爲勝能淨於自他見及彼眷屬如次隨應起貪恚慢相應無明。

與九同迷不共無明親迷苦理疑及邪見親迷集等二取貪等唯苦應知然瞋亦能親迷滅道由怖畏彼生憎嫉故迷諦親疎麤相如是。

先釋二唯迷苦身見邊見唯果處起者果即是苦苦卽是身身實是苦故名苦諦別空非我者謂諸外道不達空無我理而起身邊二見執身是常別於空理執身有我別無我理今言別空非我者卽是無始任運執身實常實我故屬苦諦是疎迷義謂疑下釋八通迷四疑及三見者卽邪見二取爲三總標此四親迷苦理下別釋義二取下別釋二

取彼三見者卽身邊邪也。執彼戒禁及所依蘊以爲最勝能得清淨。由此執故於自起食於他起瞋眷屬起慢此處當接疑及邪見等義順以前總標謂疑三見親迷苦理相應下謂此無明旣共貪等不得爲主不起分別任運迷事唯修所斷不共無明是獨行故分別迷理唯見所斷疑及邪見親迷集等者於集滅道俱起猶豫或撥爲無不同二取及彼貪等唯迷苦理故又結云一取食等唯苦應知然瞋下釋瞋亦親迷諦迷諦親踈麤相如是者結上二唯迷苦唯是踈迷入通迷四親踈兼具。

委細說者貪瞋慢三見疑俱生隨應如彼俱生二見及彼相應愛慢無明雖迷苦諦細難斷故修道方斷瞋餘愛等迷別事生不違諦觀故修所斷。

釋別迷中兼修所斷卽踈迷義貪瞋慢疑邪見二取此七煩惱有俱起義故名俱生不同修所斷之俱生也隨應如前親迷集等及親迷苦是見所斷身見邊見齊起亦名俱生及前所說與九同迷相應無明此三煩惱雖迷苦諦非見所斷唯任運起是疎迷義故細難斷修道方斷瞋餘愛等者等慢無明他處云恚唯欲界貪慢無明俱通三界此四

煩惱於有漏事任運而轉長時堅固難可解脫故修所斷。

雖諸煩惱皆有相分而所仗質或有或無名緣有事無事煩惱彼親所緣雖皆有漏而所仗質亦通無漏名緣有漏無漏煩惱緣自地者相分似質名緣分別所起事境緣滅道諦及他地者相分與質不相似故名緣分別所起名境餘門分別如理應思。

十隨事立名門煩惱相分者貪以愛境爲相乃至

無明以迷境爲相雖有相分不以爲名但隨仗質有無故名有事無事煩惱彼親所緣下依有漏無

漏立二種名如緣滅道是無漏義緣自地時親取其境相貌相似故名事境滅道他地曾未親證唯想相起非專境在故不相似名緣名境餘門分別如理應思者總結餘門別義一一如理論不繁現○二分屬諸門竟通上三根惑位竟下四隨惑位分三一結前標問

已說根本六煩惱相諸隨煩惱其相云何

一結前標問竟下二舉頌總答

頌曰隨煩惱謂忿恨覆惱嫉慳詐詬與害憍無慚及無愧掉舉與惛沈不信并懈怠

放逸及失念。散亂不正知。

總頌二十隨煩惱名。前三句頌小隨十種。第四句頌中隨二種。後四句頌大隨八種。體性業用論中自釋。○二舉頌總答竟。下三解釋頌意分三。一正釋心所分。二總釋類別。

論曰。唯是煩惱分位差別等流性故。名隨煩惱。此二十種類別有三。謂忿等十各別起故。名小隨煩惱。無慚等二遍不善故。名中隨煩惱。掉舉等八遍染心故。名大隨煩惱。

論曰。下釋立隨煩惱名也。謂忿等十及失念不正。

知放逸是貪等差別位故。無慚無愧掉舉惛沉散亂不信懈怠七法雖有別體。是前根本之等流。以同染故。由煩惱爲因此。得有故。故名隨煩惱。此二十下釋小中大二種類別。謂自類俱起。徧染二性徧諸染心。此之三義皆具。名大具一名中。俱無名。小二性者不善性有覆性也。忿等十法各別起故。一闕自類俱起。唯是不善闕徧染二性。既闕有覆。不徧一切染心。三義俱無故。名小隨。無慚無愧自類俱起具一名中。掉舉等八自類相望得俱起故不可名小。於染皆徧不可名中。旣徧染心卽具徧染

80 1 2 3 4 5 6 7 8 9 100 1 2 3 4 5 6 7 8 9

二性三義皆具故名大隨。○總釋類別竟下二次第別釋分三一小隨十。

云何爲忿。依對現前不饒益境憤發爲性能障不忿執仗爲業。謂懷忿者多發暴惡身表業故。此卽瞋恚一分爲體。離瞋無別忿相用故。

釋忿心所體性業用。忿是不善能障不忿餘善品故。謂懷下釋執仗爲業。仗謂器仗。或於身手執持器仗名身表業。此卽下明體是假依瞋有故。

云何爲恨。由忿爲先懷惡不捨結怨爲性能障不恨。熟惱爲業。謂結恨者不能舍忍恒熟惱故。此卽瞋恚一分爲體。離瞋無別恨相用故。

釋恨心所體性業用。忿爲先者過去違緣也。由不捨故。結怨爲性。謂結下釋上熟惱。此卽下釋自無體依瞋假立。

云何爲覆。於自作罪恐失利譽隱藏爲性能障不覆悔惱爲業。謂覆罪者後必悔惱不安隱故。有義此覆癡一分攝論。唯說此癡一分故。不懼當苦覆自罪故。有義此覆貪癡一分攝。亦恐失利譽覆自罪故。論據麤顯。唯說癡分。如說掉舉是貪分故。然說掉舉偏諸染心不可執爲唯是貪分。

釋覆心所體性業用。不覆者發露悔過也。自性隱藏故能障之。謂覆下釋悔惱爲業。有義癡一分者。釋無自體依他假立。但說癡分義猶未盡。有義貪癡分者正理。謂覆無體依貪癡立。恐失利譽是貪分覆自罪故是癡分論說。唯癡擬遍染說亦如掉舉遍諸染心論唯說彼是貪分攝。

云何爲惱。忿恨爲先。追觸暴熱狠戾爲性能障不惱。蛆蟄爲業。謂追往惡觸現違緣心便狠戾多發囂暴凶鄙麤言。蛆蟄他故此亦瞋恚一分爲體離瞋無別惱相用故。

釋惱心所體性業用戾勢也。蛆蟄音疽釋乃蜂蠍行毒也。謂追往惡下重釋體用往惡現緣皆是違境囂暴凶鄙總名毒言緣瞋有三相。忿緣現在恨緣過去惱兼上二故云。謂追往惡觸現違緣又忿發身業云身表業故恨發意業云結怨爲性惱發口業云凶鄙麤言也。又忿與恨正對所瞋惱則施之於諫勸者。故但發麤言拒之與忿恨不同此亦下釋非實體亦依瞋立。

云何爲嫉妬自名利不耐他榮妬忌爲性能障不嫉妬感爲業謂嫉妬者聞見他榮深懷憂慼不安隱故

此亦瞋恚一分爲體。離瞋無別嫉相用故。
釋嫉心所體性業用。殉者從也。以身從物曰殉。謂
於他有功德名譽心妬不悅。不嫉者仁慈也。嫉妬
不仁故能障之。謂嫉妬者下釋憂感爲業。此亦下
釋嫉是假依瞋有故。

云何爲慳。耽著財法不能惠捨。祕恪爲性。能障不慳。
鄙畜爲業。謂慳恪者心多鄙澀。畜積財法不能捨故。
此卽貪愛一分爲體。離貪無別慳相用故。

釋慳心所體性業用。鄙陋也不惠也。謂慳恪者下。
釋鄙畜爲業。此卽下釋慳無體依貪假立。

云何爲誑。爲獲利譽矯現有德詭詐爲性能障不誑。
邪命爲業。謂矯誑者心懷異謀。多現不實邪命事故。
此卽貪癡一分爲體。離二無別誑相用故。

釋誑心所體性業用。矯詐也不誑者愛敬也。自性
詭詐故能障之。謂矯誑者下。釋邪命爲業。不以直
道養生。故名邪命。此卽下釋誑無體依貪痴立。
云何爲詔。爲因他故矯設異儀。詔曲爲性能障不詔。
教誨爲業。謂詔曲者爲因冒他曲順時宜矯設方便。
爲取他意。或藏已失。不任師友正教誨故。此亦貪癡
一分爲體。離二無別詔相用故。

釋詣心所體性業用。不詣及教誨直道良友也。性自詣曲故能障彼。謂詣曲者下。釋詣曲不任教誨此亦下。釋詣無體依貪癡立。

云何爲害於諸有情心無悲惱損惱爲性能障不害逼惱爲業。謂有害者逼惱他故此亦瞋恚一分爲體離瞋無別害相用故。瞋害別相準善應說。

釋害心所體性業用。不害卽悲能拔苦也。性自損惱故能障之。何名逼惱。答謂有害者逼惱他故逼迫於人令他苦惱害之業用也。此亦下。釋害是假瞋爲性故。瞋害別相準善應說者。彼謂無瞋翻對

斷物命瞋不害正違損惱物害。無瞋與樂不害拔苦。是謂此二麤相差別。

云何爲憍。於自盛事深生染著醉傲爲性能障不憍。染依爲業。謂憍醉者生長一切雜染法故。此亦貪愛一分爲體離貪無別憍相用故。

釋憍心所體性業用。憍憊愛也不憍厭離也。自性染著故能障之。謂憍醉者下。釋染依爲業。此亦下。釋憍無體依貪立故。○小隨十竟下二中隨二云何無慚。不顧自法輕拒賢善爲性能障礙慚生長惡行爲業。謂於自法無所顧者輕拒賢善不耻過惡。

障慚生長諸惡行故

釋無慚體性業用。自卽自身法卽教法。言不顧者。心專惡行羞耻遠離。謂於下。釋上體用。唯是輕賢拒善。障礙慚耻。於諸惡行。日生日長矣。

云何無愧。不顧世間崇重暴惡爲性能。障礙愧生長惡行爲業。謂於世間無所顧者。崇重暴惡不耻過罪障愧生長諸惡行故。

釋無愧體性業用。世間者他處云世間力也。世人譏訶名世間力。言不顧者心專惡行不顧譏訶。謂於下。重釋上義如慚應知。

不耻過惡是二通相。故諸聖教假說爲體。若執不耻爲二別相。則應此二體無差別。由斯二法應不俱生非受想等。有此義故。若待自他立二別者。應非實有便違聖教。若許此二實而別起。復違論說俱偏惡心。不善心時隨緣何境皆有輕拒善及崇重惡義。故此二法俱偏惡心所緣。不異無別起失然諸聖教說不顧自他者。自法名自世間名他或卽此中拒善崇惡於己益損名自他故。而論說爲貪等分者。是彼等流非卽彼性。

此中辯無慚愧互通。不耻過惡爲體者與善位慚

80 1 2 3 4 5 6 7 8 9 100 1 2 3 4 5 6 7 8 9

愧同。但以無慚無愧反上慚愧應知其相。故不重釋。○二中隨二竟。下三大隨八。

云何掉舉令心於境不寂靜爲性能障行捨奢摩他爲業。有義掉舉貪一分攝論唯說此是貪分故。此由憶昔樂事生故。有義掉舉非唯貪攝論說掉舉偏染心故。又掉舉相謂不寂靜說是煩惱共相攝故。掉舉離此無別相故。雖依一切煩惱假立而貪位增說爲貪分。有義掉舉別有自性遍諸染心如不信等。非說他分體便非實勿不信等亦假有故。而論說爲世俗有者如睡眠等隨他相說掉舉別相謂即囂動令俱

生法不寂靜故。若離煩惱無別此相不應別說障奢摩他故不寂靜非此別相。

釋掉舉體性業用奢摩他此云止卽寂靜義掉舉囂動能障彼止有義掉舉貪一分者未正謂掉舉無體依貪假立憶昔樂事掉舉生者顯是貪分。有義掉舉非唯貪者亦偏謂掉舉相不寂靜者是諸煩惱共相攝故問如何論說唯貪分答雖依一切理雖論中說徧諸染心如不信等體實有故論說世俗及隨他相者旣隨他相豈是實說如睡眠等

體雖實有隨他無明說爲癡分掉舉別相卽囂動者破前義執是不寂靜謂由囂動今與掉舉俱生心心所法不寂靜故若離煩惱無掉舉相論不應說障奢摩他由有囂動今不寂靜故不寂靜非此別相

云何惛沉令心於境無堪任爲性能障輕安毘鉢舍那爲業有義惛沉癡一分攝論唯說此是癡分故惛昧沈重是癡相故有義惛沉非但癡攝謂無堪任是惛沉相一切煩惱皆無堪任離此無別惛沉相故雖依一切煩惱假立而癡相增但說癡分有義惛沉別

有自性雖名癡分而是等流如不信等非卽癡攝隨他相說名世俗有如睡眠等是實有性惛沉別相謂卽憎重令俱生法無堪任故若離煩惱無別惛沉相不應別說障毘鉢舍那故無堪任非此別相此與癡相有差別者謂癡於境迷闇爲相正障無癡而非憎重惛沉於境憎重爲相正障輕安而非迷闇

釋惛沉體性業用毘鉢舍那此云觀卽輕安義自一性沉重故能障彼有義惛沉癡一分者未正謂惛沉無體依癡假立有義惛沉非但癡攝者亦偏謂惛沉體是一切煩惱無堪任爲相離諸煩惱無別

80 1 2 3 4 5 6 7 8 9 100 1 2 3 4 5 6 7 8 9 100

相故問何故論中唯說癡分。答雖依一切煩惱而
癡相增但說爲癡分有義。惛況別有自性正理雖
論名癡分依等流說如不信等及如睡眠亦證有
體惛沉別相節憎重者破前義執是無堪任謂由
憎重令與惛沉俱生心心所法無堪任故若離煩
惱無惛沉相論不應說有能障體毘鉢舍那是輕
安義必由憎重方能障之故無堪任非是此中惛
沉別相言憎重者憎乃惛之別相重乃惛之別相
不亦宜乎此與癡相有差別者由前義說惛沉即
癡此顯差別破前執義言正障無癡及障輕安者

顯用有別言非憎重非迷闇者顯性差別。

云何不信於實德能不忍樂欲心穢爲性能障淨信
慳依爲業謂不信者多懈怠故不信三相翻信應知
然諸染法各有別相唯此不信自相渾濁復能渾濁
餘心心所如極穢物自穢穢他是故說此心穢爲性
由不信故於實德能不忍樂欲非別有性若於餘事
邪忍樂欲是此因果非此自性。

釋不信體性業用於實事理不忍可於真淨德不
好樂於善功能不欲行心多染穢爲此體性性是
不信能障淨信慳慳解意爲其依止是此業用謂

80 1 2 3 4 5 6 7 8 9 100 1 2 3 4 5 6 7 8 9 100

不信者下釋上。憍依及實德能俱不信義。翻入善位應知其相然諸染法下。釋心穢爲性。由不信下顯離不信外無別有法令。實德能不忍樂欲。若於餘事下。釋因果自性邪。忍樂欲者是不信因果也。若於實德能外餘法上而起邪忍及邪樂欲。是不信之因果。以顯不信心穢爲性。

云何懈怠。於善惡品修斷事中。懶惰爲性。能障精進。增染爲業。謂懈怠者滋長染故。於諸染事而策勤者亦名懈怠退善法故。於無記事而策勤者於諸善品無進退故。是欲勝解非別有性。如於無記忍可樂欲。

非淨非染無信不信

釋懈怠體性業用。善品不修惡品不斷。是懶惰性。能障精進性。自懶惰染法隨增故。云增染爲業。謂懈怠者下。釋增染爲業。策勤者精進也。於染事中勤行精進染法增長善法退墮亦名懈怠於無記下。別明無進退義。謂於善事策勤善品有進染事策勤善品有退若無記事而策勤者於諸善品無進無退。是欲勝解非別有性者爲欲勝解顯善性別於信作因果顯善性有進於不信作因果顯善性有退於無記法作因果非別有性復例云。如於

80 1 2 3 4 5 6 7 8 9 100 1 2 3 4 5 6 7 8 9 100

無記忍可樂欲非淨非染無信不信忍可是因樂
欲是果若於無記忍可樂欲則此因果非屬於淨
非屬於染無有信義無不信義

云何放逸於染淨品不能防修縱蕩爲性障不放逸
增惡損善所依爲業謂由懈怠及貪瞋癡不能防修
染淨品法總名放逸非別有體雖慢疑等亦有此能
而方彼四勢用微劣障三善根偏策法故推究此相
如不放逸

釋放逸體性業用由縱蕩故惡業增長惡增長故
善根損壞謂由下釋體是假依四法立懈怠一法

及貪瞋癡爲此性故設問云慢等亦有此能何獨
彼四答云雖慢疑等亦能縱蕩不如貪瞋癡三障
無貪等三善根故不如懈怠障彼精進偏策法故
推此放逸如不放逸亦依精進三善根立故依彼
四不依慢等

云何失念於諸所緣不能明記爲性能障正念散亂
所依爲業謂失念者心散亂故有義失念念一分攝
說是煩惱相應念故有義失念失念一分攝瑜伽說此
是癡分故癡令念失故名失念有義失念俱一分攝
由前二文影略說故論復說此遍染心故

由釋失念體性業用。由無明故。不能明記。由染念故。
散亂所依。問何爲散亂所依。答謂失念者心散亂。
故有義失念。念一分者有義失念。癡一分者理俱
未盡。有義失念。俱一分者此義正理。前二義中引
證論文俱影略說。說念略。癡非實無癡。說癡略。念
非實無念。故論復說偏染心者應知失念是假非
實。

云何散亂。於諸所緣令心流蕩爲性能障。正定惡慧
所依爲業。謂散亂者發惡慧故。有義散亂。癡一分攝
瑜伽說。此是癡分故。有義散亂。貪瞋癡攝。集論等說

是三分故。說癡分者遍染心。故謂貪瞋癡令心流蕩
勝餘法。故說爲散亂。有義散亂別有自體。說三分者
是彼等流。如無慚等非卽彼攝。隨他相說名。世俗有
散亂別相。謂卽躁擾令俱生法。皆流蕩故。若離彼三
無別自體不應別說。障三摩地掉舉散亂二用何別。
彼令易解。此令易緣。雖一刹那解緣無易。而於相續
有易義。故染汙心時由掉亂力常應念念易解易緣。
或由念等力所制伏。如繫猿猴有暫時住故。掉與亂
俱偏染心。

釋散亂體性業用。馳散外緣故名流蕩。以流蕩故

801 2 3 4 5 6 7 8 9 1001 2 3 4 5 6 7 8 9 1001 2 3 4 5 6 7 8 9

正定全無說彼能障正定爲業問云何惡慧所依。答謂散亂者發惡慧故有義散亂癡一分者未正。謂此散亂無自體故故說癡分有義散亂貪瞋癡者亦偏謂貪瞋癡共爲此體由癡偏染心故論說癡分令心流蕩唯三法勝說爲散亂有義別有自體正理餘論所說或隨等流或隨他相非卽彼性散亂別相卽躁擾者破第二義執流蕩是散亂別相由躁擾故令與散亂體論不應說別障正定以三摩地翻爲正定問掉舉散亂二用何別答彼掉舉今

心易解乃境現於心此散亂令心易緣乃心遊於境問一剎那頃何有易耶答雖一剎那解緣無易而於解緣互相續生有轉易故又云易解境從心易緣心從境是二別相染汙心下釋二心所定有轉易無長時住故於染心念念解緣若制伏時唯得暫住由此掉亂俱偏染心非無自體云何不正知於所觀境謬解爲性能障正知毀犯爲業謂不正知者多所毀犯故有義不正知慧一分攝說是煩惱相應慧故有義不正知癡一分攝瑜伽說此是癡分故令知不正名不正知有義不正知俱一

分攝。由前二文影略說故。論復說此遍染心故。

釋不正知體性業用於所觀境起謬解者顯是慧業分問云何毀犯爲業答由不正知於善不善律不律儀皆不辯故多毀犯有義不正知慧一分攝有義不正知癡一分攝俱未盡理有義不正知俱一分者正理影略說者說慧略癡非實無癡說癡略慧非實無慧故論復說徧染心故應知無體依二假立○三大隨八竟通上一正釋心所竟下二釋與并及。

與并及言顯隨煩惱非唯二十雜集等說貪等多種

隨煩惱故隨煩惱名亦攝煩惱是前煩惱等流性故煩惱同類餘染汙法但名隨煩惱非煩惱攝故唯說二十隨煩惱者謂非煩惱唯染麤故此餘染法或此分位或此等流皆此所攝隨其類別如理應知。

釋頌中與并及三字攝餘染法顯隨煩惱非唯二十雜集論說貪等根本必有多種隨煩惱故既言多種定非二十隨煩惱名亦攝煩惱者謂前二十隨煩惱名亦攝其餘染汙煩惱以是根本煩惱等流餘染既與根本同類但名隨煩惱非是根本所攝問既有餘法何論唯說二十答論唯二十隨者

80

90

100

110

謂非根本煩惱攝的餘染汙法。唯染麤故。此不說。此餘染法或此二十隨惑分位。或此等流皆此所攝。隨其分位等流類別。如理應知。○二釋與并及竟下三分屬諸門。有十二章。

如是二十隨煩惱中小十大三足是假有無慚無愧不信懈怠是實有教理成故。掉舉惛沉散亂三種有義是假有義是實所引理教如前應知。

一假實門。大三者放逸失念不正知也。及小隨十故有十二皆名爲假以依根本分位立故。中二大五七數是實掉舉等三教理既成應知如前亦是

實有俱是根本等流性故。

二十皆通俱生分別隨二煩惱勢力起故。

二俱生分別門。謂隨俱生根本煩惱起者卽名俱生分別亦然。以隨煩惱隨根本故。

此二十中小十展轉定不俱起。互相違故。行相麤猛各爲主故。中二一切不善心俱隨應皆得小大俱起。論說大八遍諸染心展轉小中皆容俱起。有處說六偏染心者。捨掉增時不俱起故。有處但說五偏染者以捨掉等違唯善故。

三更互相應門。小十自類無相應義。以性麤猛各

80 1 2 3 4 5 6 7 8 9 100 1 2 3 4 5 6 7 8 9 100

別起故中二既與不善心俱隨應小隨大隨俱起
大八論說偏染心者展轉小隨中隨俱起有處下
釋餘論中說隨煩惱遍染心義說六偏者於八隨
中除惛掉一說五偏者除不正知忘念散亂言惛
掉等違唯善者與四卷中釋義不同彼云論說五
法偏染心者解通麤細違唯善法純隨煩惱通二
性故據彼所說俱是簡詞麤簡小隨以七細故違
唯善法簡中隨二不善性故純隨煩惱通二性者
簡不正知忘念散亂以第七識唯有覆故此惛掉
等若是取義違唯善法彼是簡詞此若亦簡彼五

法中有惛掉故故彼此文義難會合

此唯染故非第八俱第七識中唯有大八取捨差別
如上應知第六識俱容有一切小十麤猛五識中無
中大相通五識各有

四八識門第八唯無記故無不善性第七是有羅
故八大隨俱取捨如上者第四卷終諸師辯義中
大相通者自類俱起也不同小隨自類不俱以前
五是自類俱起故亦容有

由斯中大五受相應有義小十除三忿等唯喜憂捨
三受相應詣証憍三四俱除苦有義忿等四俱除樂

80

90

100

110

詣誑惱三五受俱起意有苦受前已說故此受俱相如煩惱說實義如是若隨麤相忿恨惱嫉害憂捨俱覆慳喜捨餘三增樂中大隨麤亦如實義。

五五受門由斯中大五受相應者牒前中大與五

識俱亦應中大五受相應以前五識五受俱故有義小十除三者未正謂小十中忿恨惱嫉覆慳害此七法與喜憂捨三受相應除苦樂受前除詣誑惱二憂喜樂捨四受相應唯除苦受有義忿等四俱除樂者正理謂忿等七是瞋分位故無有樂唯四受俱詣誑惱三與意識俱意有苦受此亦應忿

此受俱相如煩惱說實義如是者結隨煩惱與受俱相如根本中受俱實義彼中云貪瞋痴三俱生分別一切容與五受相應此隨煩惱皆是貪等差別分位等流性故彼既五俱此亦應忿此雖忿等四俱除樂彼中釋云瞋遇順境喜樂俱故故知此中小中大三皆五受俱是如實義若隨下謂忿等五所憂捨俱者以是瞋分無喜樂故覆慳相應喜捨受者貪痴分故此雖與五別釋卽前師解忿等七法唯喜憂捨三受俱義餘三者卽詣誑惱若增樂受亦卽前師喜樂憂捨四俱除苦以餘三是貪

疑分攝故宜增樂中隨大隨隨麤相說如實義者前說中大五受相應是實義故。

如是二十與別境五皆容俱起不相違故染念染慧雖非念慧俱而疑分者亦得相應故念亦緣現會吾類境念亦得緣剎那過去故念與念亦得相應染定起時心亦躁擾故亂與定相應無失。

六別境門謂隨煩惱與別境五皆不相違問染念染慧念慧爲性何更相應答中謂染念染慧有二種性一念慧爲性二無明爲性故云而疑分者亦得相應問念緣過去念對現前何得相應故答云

念亦緣現等又問定恒專注散亂流蕩何得同起故又釋云染定起時心亦躁擾故亂與定相應無失

中二天八十煩惱俱小十定非見疑俱起此相麤動彼審細故忿等五法客慢癡俱非貪恚並是瞋分故慳癡慢俱非貪瞋並是貪分故僑唯疑俱與慢解別是貪分故覆誑與譖貪癡慢俱行相無違貪疑分故七根隨相應門謂中隨一及大隨八皆與十種煩惱俱唯小隨十定非見疑俱起以小隨麤動見疑審細忿等者等恨惱嫉害五是瞋分不與恚俱又

80

90

100

110

瞋恨時無貪愛故慳是貪分不與貪俱。又貪愛時亦無瞋故憍是貪分唯與癡俱。貪下慢舉故與慢別。覆誑詣三同貪癡分與貪癡慢俱。三中癡分與貪慢俱。三中貪分又與癡俱故不同憍唯是貪分與慢解別。性是貪分與慢俱者所染所持境可同故
簡亦貪分與慢別者所愛所凌境非一致

小七中二唯不善攝。小三大八亦通無記。

八三性門。小七者忿恨惱嫉覆慳害及中二隨唯不善性。詣誑憍三及八大隨不善無記。二性俱通小七中二唯欲界攝。詣誑欲色餘通三界。生在下地容起上十一耽定於他起憍誑詣故。若生上地起下緣下非所恃故。

後十邪見愛俱容起彼故。小十生上無由起下非正潤生及謗滅故。中二大八下亦緣上上緣貪等相應起故有義。小十下不緣上行相麤近不遠取故有義。嫉等亦得緣上於勝地法生嫉等故。大八詣誑上亦緣下下緣慢等相應起故。楚於釋子起誑詣故。憍不緣下非所恃故。

九三界門。小七同前及中隨二唯在欲界以是瞋分上界無故誑誑欲界又通色界貪癡分故。餘通三界者謂小隨憍唯貪分故及八大隨是貪癡等流分位攝故。故通三界。生在下地下明上下生起

80 1 2 3 4 5 6 7 8 9 10 1 2 3 4 5 6 7 8 9 10

耽卽貪也。由貪上定起惱。誑諑以彼三法是貪分故。後十者卽中大隨。由謗滅道及下潤生而方起故。與邪見俱卽謗滅道。與貪愛俱。卽下潤生故云邪見愛俱。容起彼故。小十唯是分位差別不同中大有等流性故。非正潤及正謗滅無由起下。中二下明上下互緣。謂中大隨相應緣上貪等煩惱隨彼緣上有義。小十下不緣上者未正有義。嫉等亦能緣上正理。嫉妬勝地是緣上義。言嫉等者忿恨惱害俱瞋分故。大八諑誑上緣下者謂與緣下慢等相應隨緣下故。復引證云。梵王於帝釋亦起諑

誑故。謂諑誑者意有所欺也。惱與慢別者。惱唯所恃慢無所陵。故慢緣下是所陵義。惱不緣下。非惱所恃。

二十皆非學無學攝。此但是染。彼唯淨故。

二十學無學門。此二十染學無學淨故不相應。

後十唯通見修所斷與二煩惱相應起故。見所斷者隨迷諦。相或總或別。煩惱俱生故。隨所應皆通四部。迷諦親疎等皆如煩惱說。前十有義。唯修所斷緣麤事境住運生故。有義亦通見修所斷。依二煩惱勢力起故。緣他見等生念等故。見所斷者隨所應緣總別。

惑力皆通四部此中有義忿等但緣迷諦惑生非親
迷諦行相麤淺不深取故有義嫉等亦親迷諦於滅
道等生嫉等故

十一見修二斷門謂中大隨與見所斷根本煩惱
相應起者名見所斷修斷亦尔見所斷者下謂隨
總別迷諦根本煩惱齊生皆通四部部卽諦也迷
諦親疎亦如相應根本煩惱中說前十卽小隨唯
修所斷此義未正有義亦通見修所斷正理謂十
小隨依見修斷根本煩惱勢力起故緣他見修並
忿等故故隨根本亦通二斷見所斷者下復釋總

別迷諦義如後十皆通四部此中有義猶未盡理
說十小隨緣煩惱生卽上緣他見等生忿等義
說依二煩惱勢力起者顯隨見修則知忿等但緣
迷諦根本惑生非親迷諦有義嫉等亦親迷諦正
理謂十小隨親迷諦相故引嫉等證迷諦生

然忿等十但緣有事要託本質方得生故緣有漏等
準上應知

十二隨事立名門緣有漏等準上應知者準前根
本煩惱中隨事立名而有漏無漏分別事境分
別名境多門名義此亦應尔故名準上○三分屬

80 1 2 3 4 5 6 7 8 9 100 1 2 3 4 5 6 7 8 9

諸門竟通上四隨惑位竟

成唯識論俗註卷第六終



十五

80 1 2 3 4 5 6 7 8 9 100 1 2 3 4 5 6 7 8 9 100